

列女

兩浙名賢錄

二十六



兩浙名賢錄卷五十一目次

列女

元

黃仲起妻朱氏

女妾弟嬪  
乳母附

王琪妻蔡氏

婢附

王氏女

千涇沈氏

章瑜妻傅氏

俞新妻聞氏

柳烈女

孫信妻黃氏

沈同奴妻

張減妻章氏

張英妻莊氏

錢氏二烈女



季銳妻何氏

吳守正妻禹氏

方仲剛妻吳氏

劉公寬妻侯氏

呂玄明妻朱氏

丘岩妻盛氏

多奴卯  
奴附

金幼芳妻高氏

程徐妻金氏

周誠德妻陳氏

陳程妻葉氏

明一

童賢母羅氏

賈明善妻宋夔

胡守貞

王志  
清附

鄭洪妻石氏

黃誼昭妻孫氏

陳氏

汪欽妻周氏

俞氏三節

王和欽妻馬氏

孫宋雙節

吳善慶妻孫氏

唐方妻丁氏

王守中妻劉氏

子中  
允附

席祥妻吳氏

魏節嬾趙氏

子媳應  
氏附

郎理妻沙氏

張景忠妻陳氏

陳敏八妻倪氏

許瑜妻季氏

陳思恭妻莊氏

趙淑民妻盧氏

閩州守妻宋氏

蔣倫妻戴氏

徐宗谷妻張氏



鄭翰卿妻徐氏

黃紳妻洪氏

姒胡氏姪  
嬭胡氏附

潘順妻徐氏

李珂妻俞氏

子嬭吳氏孫  
嬭陳氏附

胡谷銘妻王氏

夏子昭妻顧氏

周天寵妻黃氏

方氏二烈女

石孝女

潘仲岳妻程氏

楊彥璋妻魯氏

金良女汝安

童敦妻李氏

袁堅妻方氏

華榮女妙清

孟貞女蘊

胡昌妻汪氏

李志寧妻劉氏

呂嗣芳妻顧氏

宋原用妻石氏

方良規妻章氏

王伯堦妻張氏

章孝女銀兒

徐孝女

譚弘妻沈氏

姚璣妻周氏

王雍妻柳氏

包慎妻徐氏

吳曇妻嚴氏

孔淑  
貞附

虞守中女鳳娘

徐文佩妻鄭氏

范氏二女

徐福壽妻王氏

俞姻奴

葉俊妾何氏

李政妻三女



宋允中妻魏氏

李汀妻呂氏

朱泰妻吳氏

陳曙妻張氏

馮光濟妻劉氏

周廷輝女

周本恭妻趙氏

蔡儼妻包氏

谷得與妻陳氏

翁錄妻鄭氏

楊孟輝女守貞

諸仕俊妻舒氏

趙孝女

包文助妻張氏

徐傑妻任氏

包謙妻鄭氏

張昱妻彭氏

陳佳妻王氏

吳節婦鄭氏

葉孔賓妻鄭氏

妾何氏附

孫玉妻楊氏

何謙妻吳氏

高逾妻李氏

子嬾曾子妾陸附

列女

元正共二十八人

黃仲起妻朱氏

朱氏杭州人黃仲起妻

顏廷本妻

兩浙名賢錄卷五十一目次終



兩浙名賢錄卷之五十一 日穴絲

馬光

周本

李

高

蔣

吳

葉

兩浙名賢錄卷之五十一

東海徐象梅仲和氏

錢塘袁升聞德玄氏

列女

元二 共三 軒臥 生母 死有 颯平 頰慈 妹公

黃仲起妻朱氏 女 羨弟 頰乳 母 謝 式 翁 慈 妹 其 中 五

朱氏 杭州人 黃仲起妻 至正十六年 張士誠寇杭 驅諸

頰至 令監守 期暮且至 朱懼辱 遂與女俱縊死 妾馮氏

日我生何為 亦自縊 既而仲起弟頰蔡抱其幼子與乳



母湯皆自殺。一門五烈視死如歸。賢者以爲難。千與

王琪妻蔡氏

婢附

至米野軍營與女共歸

王琪妻諸暨蔡氏女。至正中。張士誠陷諸暨。蔡避亂長寧鄉山中。賊兵卒至。道傍有造紙鑊。方沸。遂投其中。死。賊驅其從婢。婢曰。主母死。我可驅乎。賊怒殺之。

王氏女

王氏女。建德人。至大間。其父出耘。舍旁遇豹。爲其所噬。曳之升山。女識父聲。驚呼奔救。以父所弃鋤奮擊豹腦。豹死。父乃得生。時人比之劉平妻。

千涇沈氏

吳興千涇沈氏。同里邵氏嬭也。至正二十四年。夫邵爲軍士所殺。沈有殊色。虜置船上。溪流迅急。乘間躍入水中。舩去甚疾。意其已沒。不復顧。適張掾舟過之。見鬢如雲。被水面視之。乃嬭人。衣漾水上。不能下沉。死。卽引救之。問乃知其姓。與其里居。易衣置後。艦內使守視之。其下諭之曰。汝遇吾張君。幸得不死。張掾今貴人。汝能事之。且更得福。勿憂也。沈氏謝曰。幸諸君見憐。欲活我。吾見吾夫被創甚。吾心已許之。恨不及生時使之見也。且



張君欲我安用失節嬾人哉遂噤不復言度勢不可出視其旁有竹箸一束夜二鼓卽以箸納口中面力觸舟箸入喉以死明日張爲斂而焚之

章瑜妻傅氏

傅氏諸暨人年十八適同里章瑜瑜爲苛吏脅軍興期會迫死道上計至傅氏匍伏往抱屍歸號泣三日夜不輟旣入斂至嚙其棺成穴及葬自投其身壙中母強挽之乃已居近百日母欲奪其志傅聞遂大慟不食母囑侍婢謹視之閱數日使婢入室理浴具忽失傅所在明旦汲水則見倒植井中死矣

俞新妻聞氏

聞氏紹興俞新之妻也大德四年新沒聞年尚少父母慮其不能守欲更嫁之聞氏哭曰一身二夫烈嬾所耻妾可無生可無耻乎且姑老子幼妾去當令誰視也卽斷髮自誓父知其志篤乃不忍強姑父病風且失明聞氏手滌溷穢不怠時漱口上堂舐其目目爲復明及姑卒家貧無資營墓乃日與子親負土葬之朝夕悲號聞者慘惻鄉里嘉其孝爲之語曰欲學孝嬾當問俞氏



柳烈女

柳烈女嘉興人父為縣吏至正末紅巾賊陷嘉興女時年十八與其父母同竄匿為賊所得驅以行至河澣給欲結襪賊不加防遂投水死郡人金綱為之記

孫信妻黃氏

黃氏平陽人為同邑孫信妻至正十四年為賊所掠以兜子舁之黃氏哭曰吾死耳不從汝往也自墜於地時賊燒民居火甚乃赴火死

沈回奴

沈回奴德清人年十八元末兵亂回奴匿於蘆港中賊獲之求與合回奴從容諭之曰我願為若妻然我室女必擇日具禮乃可賊信之擄至營責擄嬾守之回奴夜拔所筭銀簪截其喉以死

張減妻章氏

張減妻新昌章氏女名孝行至元二年從姑逃亂產芝山中為軍所掠不從遇害姑在藜棘中抱屍慟哭而絕

張英妻莊氏

莊氏名淑貞諸暨張英妻生有艷質父宦游獨與母居



至正乙巳張士誠引兵攻新城城陷被執度不可免厲聲大罵曰爾輩鼠賊耳敢肆行無禮執略衣冠子女乎我死卽死奪我終不可得也賊怒抉其口而死宋太史景濂傳其事

錢氏二烈女 俞氏嬭附

錢氏二烈者嘉興錢子順之二妹也至正末紅巾賊至其家二女義不受辱乃相與結裙裾投河而死賊驚捨去其後子順妻俞氏亦以守節旌門鄉人稱其家二貞一節云

季銳妻何氏

季銳妻龍泉人姓何氏至正中避兵於邑之城門岩賊至何氏被執欲汚之乃與子榮兒女回娘投崖而死吳守正妻禹氏

禹氏名淑靜崇德人吳守正妻也嘗從容語其夫曰方今盜賊蠡起萬一不測妾惟有死而已宜預爲計及盜陷崇德淑靜抱八歲女倉皇出門賊追及之叱曰止不止殺爾淑靜度不免遂抱幼女投水死明日得屍抱女僵立水中如生藁葬石門鎮人表其墓曰貞母阡徐一



夔爲之記

方仲剛妻吳氏

吳氏女名埠蘭谿方仲剛妻。遭元季兵亂，與其夫避難，離家西行一里許，聞鼓譟聲，足弱弗能步，度不可免，乃謂夫曰：君宜自脫禍，勿以妾爲累。夫曰：子將若何？吳曰：妾義不受辱，惟有死耳。夫號泣不得已，捨去。旣而游兵四集，將追及，適見道傍有梅塘，水潔且深。吳喜曰：得死所矣。遂投入以死。越數日，兵去，夫踪跡其處，見屍橫池面，雖盛暑而顏貌如生，爲之痛哭，遂舉葬焉。時至正戊戌夏六月也。章楓山有烈嬾序，童利故有烈嬾傳，縉紳士大夫多歌詠之。

劉公寬妻侯氏

侯氏永嘉人，爲劉公寬妻，居南溪，稱名家。至正戊戌，方明善據溫，公寬團結里中少年，守禦鄉井，語諸年少曰：方賊昔荼毒吾郡，恨不食其肉而寢處其皮。今乃挾省鎮撫職名據此，溫人從而忍事之，獨不媿於心乎？誓不與此賊俱生也。遂率衆渡江，由鎮海至千佛寺，徑襲明善，卧內殺其吏楊廷憲。明善出間道脫去，公寬歛兵退。



保溪山明善連歲攻之弗克無何公寬爲其下金典所害取其首以獻明善侯氏收斂夫尸結蒲爲首以葬乃撫膺而號曰吾夫以身殉國遂結仇方寇寇至必辱我以雪其憤奈何以貞潔之頸飲賊刃乎不如先死乃自縊二子皆自殺

呂玄明妻朱氏

朱氏永康人歸同邑呂玄明元末羣盜蜂起玄明與東陽陳顯道各舉義兵擊賊有功遂欲乘勝討方國珍時臺官多受賂賂爲之內主乃遣宣差詐召玄明而殺之并害其子堪朱氏聞報卽徒跣號泣走訴於陳顯道曰吾夫破家爲國有功不賞顧蒙顯戮以快仇讐妾嬾人力弱憤不能報君義士也倘念同功之誼出一臂以相助得取仇人而甘心焉則吾夫雖死猶生之年也亦不至冷天下義旅心君其速圖之顯道曰諾卽擊豕醢酒會里中義勇者數十人從朱氏疾追之及宣差於中道遂擒以還朱氏設夫靈焚香難燭生取心以祭當是時義烈之聲震於天下莫不曰夫死於忠子死於孝婦貞於義而能借力報仇使忠孝之心無憾焉求之古人中



其孫翊徐夫人之流歟

丘岩妻盛氏 多奴卯奴附

盛氏烏程人嫁丘岩元末兵亂岩挈避於官澤沈家堦盛時年二十四恐寇至被汚曰堦水清當死於此岩妹多奴卯奴俱年少聞嫂言遽應聲曰願與大嫂一處死未幾寇至盛氏投水死二姑相繼以沒時至正二十四年四月二十八日也

金幼芳妻高氏

高氏名文奴遂安人年二十六平陽金幼芳娶以為嬾明年生子暉暉生七月而幼芳以病死當是時方明善日事兵爭高襁負暉竄匿山谷間紡績以自給或勸其擇所從高曰我足一踐金氏門知死金氏而已餘尚復何慮乎與其隳節倖生孰若死飢死寒死兵也植志益堅不為浮言所惑暉稍長日夜策勵之以詩書底於成立鄉人士無少長咸稱之曰貞嬾太史蘓平仲為之傳

程徐妻金氏

金氏詳定使四明程徐妻也京城既破謂其女曰汝父出捍城我三品命嬾汝儒家女又進士妻不可受辱抱



二歲子及女赴井死

周誠德妻陳氏

平陽陳氏為同邑周誠德妻。至正癸卯，方明善寇平陽，誠德率義旅禦之，戰敗，與陳逃於邑之逕口。陳氏謂誠德曰：「吾不能從汝去，賊至必污我，自縊而死。」誠德坎而瘞之，復土未畢而賊至，被執，竟為明善所殺。

陳程妻葉氏

陳程妻葉氏，麗水人，有美色。元末兵逼金華，葉與夫奉舅姑携子女避兵於風山，未幾處城破，兵掠所避地，葉

可免，乃遽更新衣，其乳母虞氏見之曰：「當此倉皇

更衣，何為？」葉曰：「有死耳。」虞氏驚曰：「有舅姑與夫及子女

在，奚忍為之？」葉曰：「吾豈不欲同生以事以育，盡嬾之道

顧禍在目前，祇取辱耳。身既被辱，何以為人？嫗能為我

扶老携幼，雖玉碎亦無恨，即觸崖下死。

明一 共九十二人

童賢母羅氏

童賢母，姓羅氏，寧海童處士釋卿妻也。羅為縣舊族，賢母少喪親，姿端厚，有識度。年十三，歸處士。時處士之祖



母高年而父母皆老。賢母事之。孝敬雍順。治產業。習女紅。甚得嬾道。舅姑喜。家政一任之。祖母晚病。手足痺。不能舉。溲惡。或時汚床褥。賢母躬抱持。洗滌飲食。必執匙箸。以進。久而不懈。祖姑心德其所爲。每私祝曰。吾苦新嬾。無以報願。汝有子。有嬾。咸若汝之孝敬。賢母有知能。遇女妹及族人親戚。皆有恩。祖姑及舅姑卒。相夫奉喪。葬於內外。細粗指畫綜理。皆有方略條理。旣而家寢盛。生四丈夫。子長各有才智。好學問。訓以禮義。忠厚。尤有母道。及處士早世。諸子長娶嬾生孫。一聽賢母之教。遂相與合食。不分財。異爨。作先祠。置祭器。以奉祖考。家庭之間。出納有法。長幼有倫。遇人有惠。待賓客有禮。於是賢母遠邇皆稱焉。初元季無政。大家以貲結長吏。田之租稅。俾小民佃者代輸。里正因而漁利。每畝徵米四升。小民以爲病。會賢母家爲里正。催民租稅。命減其半。不足。寧出已粟以輸。鄉間貧弱。賴以不困。洪武初。寧海及隣縣飢。里中富人。以麥貸貧者。每麥斗。責穀二斗三升。時賢母家有麥數廩。召諸子謂曰。飢者衆。而吾家幸有餘。安忍乘時取倍蓰之息。若等母效他人。宜減息一斗。



以爲鄉率。於是諸子奉行之。又自於縣請禁多取息。以病民者數百里。貸麥者利其息少。競奔走焉。咸歎息以爲童母恩。母好施予。孤弱不能自存者。給以錢粟。不責其償。人或告飢。推食以予之。遇人有急。度其事可解。命諸子爲解之。後或背負絕不與較。至不義人。戒莫近。事有不可者。戒勿爲。其揣料世事。明遠甚。雖丈夫有弗逮也。家人指逾千。婢僕指稱之。人人察其飢飽。苦樂與其才性所宜。無有怨者。年八十餘。子嬭及諸孫嬭。男女數十人。曾孫七八人。奉養祇順。不敢違。果若祖姑所祝。名人士往來者。皆致拜稱賢母云。

賈明善妻朱嬖

朱氏名嬖。潛溪人。景濂之女弟也。美姿容。幼卽讀書。知大義。旣長。歸烏傷賈明善。踰年。父母召嬖。令與婿偕來同居。孝養益謹。見諸女讀古烈女事。則慨然想其爲人。嘗謂諸女曰。是亦不難。爲嬖者當壁碎而潔。無寧瓦全而穢也。旣而西兵搗蘭谿。遠近大震。朱不自安。同夫避入浦陽城竇山中。未幾。鄉民嘯聚作亂。執劔殺人如刈草菅。宋亡入榛莽中。爲游卒所執。求解不聽。將亂之。宋



以計給日。吾有珠貝可直數千緡。昨夕瘞山前坎中。爾幸無急我。急我。我將死於爾。何利不若導爾發之。卒悅其言。從之。行至深淵側。竟躍入死之。

胡守貞 王志清附

胡守貞錢塘胡宗信之姊也。守貞因父母長弟相繼物故。而宗信年幼未立。私念嫁蚤晚無加損。誠能輔弟樹立。晚嫁無所恨。遂經紀其家。及宗信長。娶嬪王氏。名志清。甫五年。而宗信歿。王氏時年二十四。生子貢。暨一女。守貞痛曰。我終不可以嫁矣。於是與志清相向哭誓死守存。胡氏血食。卧起相依。守貞待志清如姊妹。然志清則終身以事姑者。事守貞貧無以為生。每日開門鬻書。得錢粗足。供薪米鹽醢。輒闔門治女事。寒機雙杼。一燈欲滅。坐至夜分。如此者十九年。畧無間言。守貞年六十。洪武甲子卒。志清率貢行三年喪。

鄭洪妻石氏

石氏名勝。金華人。性敏慧。勤恪。嫁為浦江義門鄭洪妻。李文忠分鎮嚴陵。辟洪參謀軍事。後以薦為內藏庫提點。未幾。同官有坐法者。辟連洪。竟死於獄。石氏時從宦。



邸吏議當配石氏仰天慟曰生爲鄭氏嬭死則爲鄭氏鬼耳吾夫已亡吾豈忍汚其身以玷旌門乎遂絕粒不食隣媪強以粥糜不聽如是者八日求死弗得乃引繩自絕公卿朝士莫不稱烈高皇帝聞而嘉嘆曰嗟乎此真義門嬭矣宋濂爲之傳曰余居金華熟聞鄭氏孝義之著禮法之盛今觀石氏捧行皎如白日可謂難能者矣雖其染濡家訓亦天性然也稱爲烈嬭不亦宜哉庸表而出之以勵世風云

黃誼昭妻孫氏

孫氏慈谿人年十八歸定海黃誼昭生子涓三載而夫亡孫以死自誓延師教子長求兄女爲配甫三年生二子涓亦故適國初糧餉至重乃嬭姑相率携子與僕輸賦南京訴尚書蹇義言海潮爲患十年九荒乞築海塘以障居民蹇詰曰如此孤苦何爲不嫁對曰餓死事極小失節事極大蹇媿俯首者久之次日遂爲奏請差薛主事董其役起自龍山迄於觀海築塘凡百餘里永免潮患鄉人感其義立祠祀之

陳氏



陳氏錢塘人禮部主事陳鏞女弟許聘禮部員外郎孫  
迪未成婚而迪亡。柩還女告其父母衰麻至。迪家見舅  
姑臨柩伏哭盡哀。還服三年喪。終身不嫁。壽踰七十。卒  
於家。葬父母兆域之次。

汪欽妻周氏

周氏女山陰人年十九適蕭山汪欽。欽兄弟五人皆夭  
歿。獨父湛及母在。夜有劫盜。湛起禦之。遇害。盜盡掠其  
貲去。周號泣曰。貲不足惜。何乃刃吾舅。誓不與賊俱生。  
挺身訴於官。不獲。則走奏京師。衣不解帶者三年。竟獲  
盜二十人。斬於市。

俞氏三節

童氏諸暨之楓橋人年十九歸俞瀟。未一年而瀟病。病  
革呼童曰。我死汝年少當更適。童泣曰。妾豈事二姓者。  
耶。剪髮爲普瀟弟滋。娶趙氏。滋死。趙年二十七。潤娶金  
氏。潤死年二十九。有感於童。率勵志同守。居側生竹。一  
本分爲二榦。本榦皆疊生三節。人以其事詔旌  
其門曰三節。

王和欽妻陳氏

子德中附



王和欽妻陳氏，永康人。年二十九而和欽亡，遺孤僅歲餘。苦志守節，勤以自給。孤名德中，性篤孝。嘗因母病，顰天乞以身代母，果獲痊。一日東隣失火，將延及德中，向火稽首，火遂西轉。人皆謂王氏母子節孝所感云。

朱偉妻馬氏

朱偉妻，山陰馬氏女。名德真，家病疫，舅與夫偕亡。姑張亦病篤，德真艱難事姑，姑愈，母家欲奪其志，斷指爲誓。姑歿，撫膺大慟，翌日死。

孫宋雙節

孫氏，宋氏，皆慈溪人。孫歸沈銘善，年二十九而夫亡，生子甫。八月，宋歸沈銘禮，年二十而夫亡，生二子，皆在襁褓。人以宋氏年尢少，諷之更適。宋氏歎曰：天降割吾姊，姒姒守義不貳，吾忍弃去邪？自誓凜如歲時。歸寧，母氏憫而諷之，不聽。曰：迫之果急，惟以江水爲徑，見吾夫地下耳。娣姒日勤紡績，澹泊清慎，至白首猶一日。洪武十六年，事聞，詔旌其門曰雙節。

吳善慶妻孫氏

孫氏，名妙吉，山陰人。適吳善慶，善慶死，孫尚艾無子，持



節不易。叔祖小觀納隣邑人幣，將奪嫁之。孫聞，乃給曰：幸得作小佛事，爲亡夫福。小觀如其言，孫沐浴更衣，禮佛。少間，走縊夫墓木而死。小觀怒，殘其尸，覆於淺土中。聞者爲之雪涕，然其家甚微，不能聞諸有司，爲可悲云。

唐方妻丁氏

丁氏名錦奴，新昌人。生有異相，頂蟠七螺，涉獵書史，歸唐方。洪武中，方爲山東僉事，坐法死，妻子當沒爲官奴。部使者按籍其家，押卒祝中順欲挑之，借其髻梳掠髮。丁卽以梳擲地，其人取掠之，持還丁。丁罵不受，竊謂家人曰：此輩無禮，必途辱我，不若預死之。以全節也。卽日肩輿上道，行山徑，未半里，至陰澤崖，峭水深，四無援路。丁忽從輿躍出，赴水。衣厚不能沉，復從容以手斂裙，隨流而沒。押卒數輩驚救，至則死矣。時年二十八。至今稱其處曰夫人潭。

王守中妻劉氏

子仲允附

王守中妻劉氏，字至貞，永嘉人。七歲從兄讀孝經，知大義。適王氏克事舅姑，守中性至孝。先是父病亟，默禱於天，乞減已壽一紀以益父筭。其後父果延十二載，人多



異之已而守中病卒時劉年二十九子在襁褓自居舅  
 喪輒不茹葷血御華靡及夫亡愈甘清苦至白首如一  
 日洪武初詔旌其門子仲允性尤孝痛父母葬地不佳  
 遂終身疏食

席祥妻吳氏

吳氏錢塘人爲山陰席祥妻祥先以避兵挈家來錢塘  
 兵退還家山陰而祥留錢塘娶吳氏生子未晬而祥歿  
 吳年纔二十有六自歎曰吾席嬾也義不當留父母家  
 乃奉祥靈櫬絕濤江而東葬於先塋之次從妯娌事舅  
 姑撫遺嬰姑患瘍痛甚醫曰此爲膿所苦耳孰能吮之  
 吳氏吮之無難色姑瘍遂愈親戚鄉黨咸稱爲節孝娘  
 子史臣徐一夔爲之傳

魏節嬾趙氏

子媳應氏附

魏節嬾趙氏名第台之寧海人父國真故邑大家延儒  
 傳之能爲春秋學者教其子仲武與浦江魏氏子順之  
 同受春秋頴悟精勤嘗與仲武較藝大爲國真所激賞  
 順之祖梯元時以貲雄於鄉爲里主常儲錢百錠爲官  
 費缺復補足其數一錢不取諸民民德之呼爲魏百錠



父恩能周人之急寒者與衣飢者與食死而不能葬者與棺槨國真聞之歎曰求福無如積善修身無如好學吾無間然矣遂以女歸順之生二女而順之卒嬭年僅二十四卽以猶子校爲嗣誓不他適其兄仲武憐之潛受同邑婁氏聘議欲強迎之歸奪其志節嬭聞之謂曰將嫁而女弟乎吾生爲魏氏嬭死爲魏氏鬼耳吾弗歸也堅不爲動其兄不能奪校甫七歲晨昏教養至於成立爲娶同邑應氏生男女各二人而校亦早世應氏時年二十九上奉孀姑下撫諸子兢業惕勵無毫髮增損

於前人男娶女嫁各適其宜人皆以爲善繼志稱大小節嬭云校字師學應氏字小其二子曰江曰海

### 黃性祖母劉氏

劉氏名文淑松陽人教諭黃應發妻也無子聘姊生子通通生五月而母亡劉鞠育如已生至二十而應發卒時劉年三十有六矣舅年耄私念通非劉產恐劉有他志憂見於色劉揣知其情以死自誓又三年舅歿劉葬舅與夫封樹皆盡禮日夜攻絲枲資通就學一日通墮井得狂疾劉意非久生者慮黃氏嗣絕急爲娶屠氏生



子性前此應發以通幼弱先養姊子劉中孫為嗣中孫以通且暮死不意屠之生男性也乃露刃入卧戕之劉奮當其鋒性得不死訟抵中孫於法通狂疾死孤居哺孫至長使就學成名一日病革呼性語之曰我為汝家嬾不幸二世短命保汝於橫逆艱棘中今幸見汝成立復有子嗣吾可以下見汝祖矣言畢而逝壽七十有九

郎理妻沙氏

沙氏主事郎理妻安吉人也洪武中從夫官京師理以直諫死沙聞之哭曰夫為忠臣妾獨不能為烈嬾乎遂自經死事聞命為大棺合斂賜諭祭馳驛歸葬

張景忠妻陳氏

陳氏字文婉錢塘張景忠之妻歸而克盡孝敬於舅姑生一子孩抱而景忠卒甫服除有諷其改適者唾去之携其孩抱孤日泣舅姑前舅姑亦泣下乃相抱持其孫慰撫之曰所不餒吾祀者無他望此之成唯母之依彼犬豕者之言奚足為賢媳嬾辱又相泣慰撫而後已舅姑沒喪葬貧儉而稱禮姻族黨每以漢陳孝嬾比之太史氏王洪為之傳



陳敏八妻倪氏

倪氏女安吉人年十四許聘陳敏八陳未娶從征踰五十年歸乃成婚人號白頭花燭又許許聘無而後曰

許瑜妻季氏

季氏名添寧海人歸同邑許瑜瑜為盜所害季抱幼兒從舅氏董仲裁走慈溪悲號摧毀或累日乃一食仲裁欲更嫁之季微知其意泣曰吾寧抱兒還許氏使盜殺我不能事異姓也仲裁不敢復言後三年盜敗伏法季始歸治田廬資其孤從學為名士年七十卒學士宋景濂為之傳

陳思恭妻莊氏

莊氏海鹽陳思恭妻莊本泉南人思恭自海鹽客泉南贅焉思恭嘗客於海三年不歸人以思恭死矣諷之嫁斥絕之又二年而思恭歸未幾復去竟死於海諷者復來曰今固可嫁矣莊絕之愈甚時年二十五乃自泉携其孤彥庶扶思恭柩歸葬海鹽撫彥庶成立莊以高壽終高季迪作詩美之卒於京師平餘其家蓋開官軍至

趙叔民妻盧氏

趙叔民妻盧氏



盧氏名津奴黃岩趙叔民妻有婦容涉略書史洪武十  
九年叔民被誣以黨卒於京明年籍其家盧聞官軍至  
邑卽欲與子俱飲藥既而泣曰汝年方七歲萬一得生  
未可知我寧就死義不受辱遂題詩壁上飲藥而死官  
軍入門見壁間詩莫不嘉歎爲具棺歛而瘞之

### 閩州守妻宋氏

宋氏金華宋學士景瀛族女也爲西安閩州守妻守失  
其名洪武初坐府推累死宋以夫罪連坐遣戍雲南金  
齒衛奉姑偕行題長歌於郵亭壁間觀風使者採以

上聞憐而釋之仍賜夫之祿養姑終身歌曰郵亭咫尺  
堪投宿手挾親姑憇茅屋抱薪度地暫鋪攤支願相向  
吞聲哭旁人問我是何方俛首哀哀訴衷曲妾家祖居  
金華府海道曾爲上千戶奉艘運粟大都回金牌勅賜  
雙飛虎弟兄晦迹隱山林甘學崇文不崇武方今玉堂  
宋學士亦與妾家同一譜笄年嫁向衢州城夫婿好學  
明詩經離騷子史徧搜覽意欲出仕甦蒼生前年郡邑  
爭交辟躄親笑傲趨神京萬言長策獻闔闔泥金捷報  
來掀騰承恩榮除閩州守飄然回舫西南行到官搜賢



訪遺老要把奸頑盡除掃日則升堂剖公務夜則挑燈  
理文稿守廡不使纖塵污執法應教僚佐怒府推獲罪  
苦相攀察院來提誰與訴臨行囊橐無錙銖惟有舊日  
將去書牽衣父老泣相送遮留赤子爭號呼彼時徵賦  
動盈萬妾夫自料無從辦竟晨拷掠不成招暗囑家人  
莫送飯無何餓死囹圄中旗軍原籍來抄封當時只望  
耀門戶豈期一旦翻成空親隣憐妾貧如洗歛鈔殷勤  
贈行李零丁三口到京師奉 旨邊方戍金齒阿弟遠  
餞龍江邊臨岐抱頭哭向天如弟北兩相慟別來再  
會知何年開船未幾子病倒求醫問卜皆難保武昌城  
外野坡前白骨誰憐葬青草眼前有子相親傍身安且  
不憂家蕩而今子死姑年高縱到雲南有何望八月官  
船渡常德促裝登程戒行色空林日暮鷓鴣啼聲聲叫  
道行不得上山險如登天梯百戶發放來取齊雨晴泥  
滑把姑手一步一跌身沾泥晚來走向營中宿情思昏  
昏倦無力五更睡重起身遲飯鍋未熟旗頭逼翻思昔  
日閨門內遠行不出中堂右融融日影上闌干花落庭  
前鳥聲碎寶髻斜簪金鳳翹翠雲蟬鬢蛾眉嬌繡牀新



刺雙蝴蝶坐久尚覺春風饒誰云今日夫亡後萬里遐  
荒要親走半途日午姑云飢欲丐奉姑羞舉口同來一  
嬾天台人情懷薄若秋空雲喪夫未經數十日画眉重  
嫁藍商君血色紅裙繡羅襖騎驢遠涉長安道穩步不  
知行路難揚鞭笑指青山小古來節義難重陳抉目截  
耳肝膽真嗟哉風俗日頹敗綱常廢盡趨黃金妾心汪  
汪澹如水寧受飢寒不受耻幾回欲葬江魚腹姑存未  
敢先求死孝思瀕體夫存念當學慈烏與終養姑亡妾  
亦隨姑亡地下何慙見夫面說到傷心淚如雨哽咽低  
頭不能語道傍聞者總悽酸隔嶺哀猿叫何許

蔣倫妻戴氏

蔣倫妻山陰戴氏女名毓齡早寡有節行既老鄉人欲  
上其事輒止之曰常事耳何煩官府

徐宗谷妻張氏

張氏名璩奴黃岩人少聰慧適徐宗谷未幾宗谷爲仇  
人所害張負姑匿岩穴中間道達姻家泣謂姑曰嬾不  
卽死者以夫仇未報遺娠未分耳既而生女幸妾生男  
張撫字之如已出明年掖姑理仇於官抵之法始還家



招夫魂而葬之焚香誓天守死不二年五十四卒

鄭翰卿妻徐氏

鄭翰卿妻山陰徐氏女翰卿出遊山西十年不返徐獨奉舅姑竭盡心力家貧而澹澹不乏姑疾劇顛天請代疾遂愈後翰卿歸旬日病卒徐營斂畢歎曰向不即死以夫在耳今夫死矣何以生為絕粒七日而卒

黃紳妻洪氏

妣胡氏姪嬭吳氏附

黃紳妻洪氏淳安人年十七歸紳甫一年而紳歿止一

女一日歸寧父兄欲奪其志逼之更嫁洪遂抱女觸寒

冰涉河以歸誓無他志獨立以奉黃氏祀年九十卒妣

胡氏姪嬭吳氏皆幼年孀居悉化之守節未嘗變人稱

為黃氏三貞

潘順妻徐氏

徐氏烏程人年十六歸同邑潘順未幾順死徐引刀斷指誓不嫁及卒取指以殉而所染鳳仙花色殷紅猶在

李珂妻俞氏

子嬭吳氏孫嬭陳氏附

李珂妻俞氏永康人年二十五居孀守節子祿嬭吳氏年二十九夫亡子死誓繼姑志孫齊娶陳氏年十九亦



寡因自誓曰守節女嬭常事况李氏世德有自乎台州  
王一寧題其堂曰一門三節嬭四世九賢孫

胡谷銘妻王氏

王氏名潤玉鄞人年十九歸胡谷銘質性婉婉生二子  
皆幼夫染瘵疾延及一門死亡略盡潤玉時年二十餘  
抱遺孤獨處一室人共危之母家以其盛年無依力勸  
之歸且曰是家不祥而欲相從為鬼邪盍改圖焉潤玉  
泣曰夫宗祀幸有子使吾一出是門置胡氏神主何地  
昔未亡人禍福固非所計自誓以死勤苦紡績撫養

二子底於成立壽七十二而終

夏子昭妻顧氏

顧氏崇德夏子昭妻顧歸夏六年年二十七子昭死遺  
孤在襁褓舅有愛子致養諭顧使自為計顧涕泣以謝  
願奉終身後舅與愛子又相繼死顧竭力營葬中更亂  
離卒無玷污以全節終

周天寵妻黃氏

黃氏名玉瑩西安人許聘儒生周天寵未嫁而天寵病  
瘵將危黃知必不起堅求侍疾父母不能強命之往天



寵適一睹黃目遂瞑黃時年十九慟哭盡哀歛夫絞衾之屬皆經手製送葬途有高壑將投之賴侍婢夾持而免自是每袖一繩以誓必死悉散奩具衣飾於妯娌娣姝惟圖天寵像朝夕哭奠如初喪事舅姑以禮舅姑感其義亦視之如親女數年鬱鬱成疾嘔血死年二十六

方氏二烈女

方孝友附

方氏二烈女者正學先生之二女也正學死難時夫人鄭氏先自經二女未及笄被逮過淮相與投橋下水中死先是正學被召草詔不屈親屬皆面縛就戮正學之季弟後至正學目之不覺淚下季弟口吟一絕云阿兄何必淚潛潛取義成仁在此間華表柱頭千載後旅魂依舊到家山士論壯之以爲不媿正學之弟至二女子之死未有知者余故表而出之以見正學篤信守道不貳厥心而死難精誠薰漬家庭閨閫間雖二小女子臨難赴義視死如歸不獨與正學伯仲之死同時爭烈而已卽謂爭光於千古之日月亦可也季弟名孝友字希賢二女逸其名第稱之曰方氏二烈女嗚呼烈哉

石孝女



石孝女，新昌人。父潛，宋編修。石斗文七世孫女也。洪武末，坐事籍沒，繫京獄。妻吳氏以漏版獲免，依父家以居。時孝女在機襪中，一日潛脫桎梏逃歸，匿吳家。吳兄弟懼連坐，遂殺潛投大窖中，泯其尸。吳含悽鞠女，女既長，問母曰：我無父，族何也？母告之故。女悲憤莫能伸。永樂初，女年十六，名閼競聘，而舅氏主其婚，以配族子吳某。女白母曰：殺我父者，吳也。父之讐，弗與共戴天。奈何？又爲吳氏嬖，忍事其家廟邪？母曰：我不幸失所天，事不我從，奈何？女頷而不答。及星期已屆，治裝于歸。吳族咸喜得嬖，方禮賓未畢，女竟經死室中。衆皆驚愕，詰其母。母仰天大哭曰：吾女之死，爲父報仇也。號慟數日，亦死。有司聞之，爲治殺潛者之罪。

潘仲岳妻程氏

程氏，潘仲岳妻，衢州人。永樂間，仲岳戍遼東，程氏送之行，解戍者悅其色，戲調之。程怒，解戍者遂以軍政挾與偕行。法不能阻，仲岳與程計，恐在途遭辱，程曰：妾自爲計，君勿憂也。給以整裝，故還家，卽自經死。鄉人義而傷之，執筆作哀誄者數百人。



楊彥璋妻魯氏

魯氏名淑清海鹽楊彥璋妻淑清世居海鹽其父彥中徙餘杭而嫁其女於故里楊氏永樂丙申夏倭夷犯海鹽武原鄉擄掠男女淑清亦在擄中度不能脫置兒於路傍泣曰天不絕我後幸活我兒潮至遂躍入海以死時年二十一

金良女汝安

金良女鄞人名汝安父母多疾汝安侍養惟謹及笄里中大家爭求聘汝安自謂父母老且病雖有兄弟驅馳門戶事朝夕乏供養奈何舍去自是絕葷茹每夜焚香告天禱二親壽後父母俱八十餘而歿汝安居喪六年遂終身不嫁太史危素爲之贊

童敦妻李氏

童敦妻李氏名榮壽昌人年二十四而寡舅爲夫營葬所李求結壙於旁父彥真欲奪其志私許同里蔣武逼而嫁之李知勢不可遏囑舅姑以後事且曰妾死於此父必構訟歸死於家則無害矣泣拜而別復至夫墓慟哭而歸詭謂其母曰兒失釵母可往卜家有一妹又令



尾其後而促之，遂入室自縊。母歸，已死矣。父大怒，欲燔其屍。適舅姑送衣衾及棺至，就斂，則釵縛於左股間，遂收葬於向所築生壙中。時會葬者數百人，莫不爲之揮淚者。

### 袁堅妻方氏

方氏，金華人。軍士袁堅之妻。堅以酒喪家，卒殞於城北濠上方。貧無依，乃卽殯所，開棺寢處其中。飢則出飲於濠，久之不復出，竟死棺中。郡守劉公蒞封土爲墓而禮祭之。

### 華榮女妙清

華氏，名妙清，杭州右衛前所副千戶榮之女也。早歲喪母，躬浴其尸，取水注器中，哭則出而飲之，茹素十餘年。坐卧儼思，恒若有見。初，榮代伯氏戍彭城，永樂間累征討功，拜前官。臨歿，語女曰：「吾起戰陣，出萬死得一生，荷國靈寵，位爲千夫長，期世世及也。今中道死，子震幼且弱，族人利吾官者，行且將不利於震。汝以女子從一少後，毋其若之。何語未旣，女卽哭應曰：「吾雖孑然孱也，請得事我母，長我弟，令嗣我父，勛終不從婚媾去，遺父憂。」



矣。榮卒，女遂一意奉母，保護震備至。媒妁來者，輒峻拒之。後有伯之子麟，果欲奪震官，令人百計誘女嫁。女剪髮碎面，以示已志。旦則爲震所祐於天，晝則勤女紅，至夜分不寐，以給衣食。竟育震成，襲官且教以忠孝。自樹終身，果不嫁。其母王氏，弘治間以守節受旌，女獨不及。餘杭鄒宗伯榦爲著孝烈傳，以風於世。

孟貞女蘊

孟貞女，名蘊，諸暨縣民女。初許嫁縣學生蔣文勗，未成婚。文勗克貢入監，爲御史，病卒。蘊年纔二十，聞喪號慟，歸蔣氏執喪三年，養其舅姑，盡孝終身，不嫁。人稱貞女。

胡崑妻汪氏

胡崑妻汪氏，蘭溪人。嫁未幾而崑亡，家赤貧，誓不更適。昆弟昉貪鄙，時加逼挾，不聽。乃私受人財物，許嫁之。及輿夫昇轎，至汪氏心覺焉，顧已無奈何，乃更施粉澤，易服，繆爲願嫁狀。衆方喜飲不顧，因從便門趨出，溺萬安橋下。家人索之，不得。踪跡至橋畔沙磧中，見雙履宛然，入水求之，屍已僵矣。文隱悲梁涼，痛又指父母之罪，則

李志寧妻劉氏



劉氏名添壽昌人歸李志寧五年而寡以死自誓父母以其無子欲奪而嫁之劉號哭哀訴又託父母之親厚者勸之終莫能止遂爲必死計製長旛繪夫及已像於上置諸篋中泣別舅姑而歸父母甚喜亟召媒妁議親舉家出迎而劉已投舍旁池中死矣舅姑逆其喪啟夫穴合葬焉

呂嗣芳妻顧氏

顧氏名妙善嘉興呂嗣芳妻芳與伯子本相繼歿於官仲子原甫八歲顧携孤還鄉貧甚煢煢苦守課子讀書弱冠成進士廷試第二人以翰林學士入內閣參贊機務顧臨終勉其子曰忠孝一道也而父兄未竟之業惟兒善成之故原立朝事績載之國史者得之母訓居多封太宜人享年八十有七

宋原用妻石氏

石氏字景榮鄱陽石思孟女少解文字年二十奉化宋原用任鄱陽教諭因娶焉閱六載原用卒石氏時年二十六二子俱幼母氏欲留之石泣曰夫死卽未亡人爾今舍二稚弃舅姑失三從之義吾忍爲此獸行邪噉指



自誓母不能強，遂奉喪歸。及抵家，糧無宿儲，艱苦殊甚。石盡，質裝以養舅姑。舅嘗患疫痢，石衣不解，帶手滌廁。踰晝夜，侍藥糜，無倦色。及舅姑歿，葬祭盡禮，勤紡績以資二子學。庭闈之訓尤嚴於禮節，鄉族嬭女咸服其化。宣德間，有司奏旌其門。

方良規妻章氏

章氏，蘭溪人，適同邑方良規。年二十六而良規亡，遺子鉅甫六歲，族之長強使改適。章歎曰：嗟乎！斯言何爲至於我哉！夫予之天也，乃欲予背之孤鉅，予之嗣也，乃欲予弃之。背夫不義，弃嗣不仁，是欲禽獸我也。有死而已，請勿復言。遂毀容斷髮，終身不二。年九十餘卒。

王伯堦妻張氏

張氏，名相，字敬助。父爲餘姚張雲航先生，有隱德，善識鑒。每奇其女，教之經義。適慈溪王明白先生之子伯堦，爲金溪令，有能聲。雲航嘗囑其女曰：得甥，當告我舉首。子以告，視之曰：來矣。名之曰來。再舉子，再告之曰：復來矣。名之曰復。旣而以第三甥告，曰：亦足與二兄鼎足而立。名之曰鼎。來復同中宣德丙午科，來爲工部尚書，復



舉進士爲刑部主事。鼎爲御史，終廣東僉事。張封，太夫人相夫教子，一以古人爲法。金溪旣歿，日三復敬姜君子能勞後世有繼之言，以勗諸子。太書日新二字於書齋，以示警。子在宦邸，每手書箴訓，諄諄以竭忠報主和僚友。廸子姓爲規，終不及其他。來征湖貴，時手製汗衫遺之，云非爲不足。汝所特使，汝知我尚康庶得安心。王事不以我老爲念耳。及凱還，復戒以毋自矜伐，以全居美之道。其手澤至今，子孫寶之。

章孝女銀兒

章孝女名銀兒，蘭溪章潘郎女也。潘郎死，銀兒獨與母居。時邑中多火災，其室盡燔，未能復構，結茅廬以棲。其母寢疾，適隣居又火，烟焰四起。銀兒出視，衆呼令亟走。銀兒曰：母病不能動，何可避也？亟返入廬，欲扶母出。烈焰忽覆其廬矣，衆皆踊足，莫之能救。火熄，出其尸，銀兒雙手抱其母，同焚死。

徐孝女

徐孝女者，嘉善徐遠女也。年六歲，母患臙瘡甚，孝女問母若爲得愈，母謾曰：兒吮之乃愈。孝女遂請吮，母難之。



孝女悲啼不已。母從之數日。果愈。孝女悲啼不已。母從之數日。果愈。

譚弘妻沈氏

沈氏崇德譚弘妻也。年十七歸弘。三載而弘卒。遺孤僅歲餘。晚姑陸氏在堂。有親子婦。素不愛沈。有老奴為陸謀去沈。而併其產於親子婦。日括其貲裝。罄盡無難色。奴又謀圖其孤。沈懼。携歸父家。鞠焉。久之。陸悟。弃奴。收婦而還。孤析產與親子婦。筭沈於齟齬艱險中。弃資保孤。智與節。令人以為難。壽八十餘卒。

姚璣妻周氏

周氏名福蓮。海鹽姚璣妻。年二十二而寡。生一女。甫八月。父孟經欲奪其節。福蓮以死自誓。父怒。詈而逼之。福蓮顧女悲慟曰。兒安歸乎。少選。父索之不得。已抱其女赴水死。俄得尸。子母抱持如生。翌日具棺。斂將焚。木燬。有蝶從烟焰中出。文彩爛然。向祖墓飛去。張黃門寧為立傳。

王璿妻柳氏

柳氏蘭溪王璿妻。年十七歸璿。時璿已病。為脫簪珥。求醫。璿病革。與柳訣曰。汝年少無子。我死。汝當別嫁。柳泣。



以死殉對。日夜侍湯藥，不少懈。迨殯死，殮畢，欲投於棺。及撤靈，又欲投於火。姑與妯娌力救之，哀哭不絕聲。潛自爲送死具。翁姑懼不測，密遣女孫伴睡。柳語女曰：「明早翁姑問汝，但云夜半子時女幼，莫知所云。俟女睡，沐浴更衣就縊。」女驚覺，亟呼翁姑救之不及。蓋子時也。

包慎妻徐氏

包慎妻山陰徐氏，女歸七年而慎死，無子。同邑右族艷其色，以利誘其姑，及其夫之弟欲強娶焉。徐氏髻髮毀容以拒之。姑怒，故投諸艱事，冀變其志。徐知不免，自縊。

而二死

二女會節人從教節書

吳曇妻嚴氏 孔淑貞附

吳曇妻山陰嚴氏，女曇死，無貳志。子顯舉進士官刑部郎，娶曲阜孔淑貞，寔宣聖五十九代孫也。顯卒於官，淑貞扶襯南還，舟抵濟寧，冰合，去父母家僅數里許。父母遣車迎之，因辭曰：「夫柩在此，義不能暫舍。」至於冰解，發舟終不履岸。比至顯家，闔戶毀容以苦節終。

虞守中女奉娘

夫持不誦女

虞鳳娘，義烏虞守中之女。其姊嫁徐明輝而卒，輝聞鳳



娘賢懇其父欲聘爲繼室女知泣謂父母曰兄弟無同妻之理卽姊妹可知父執不聽女遂絕口不言自經死

徐文佩妻鄭氏

徐文佩妻山陰鄭氏女文佩病亟囑鄭曰我死無子汝將若何鄭泣曰倘君不幸俟季叔有子卽吾子也時季叔文佩之妻童始娠尋果子鄭喜襁抱示其夫夫以舌舐兒首遂卒明年文佩亦死童與鄭共撫遺孤無貳心

范氏二女

范氏二女會稽人幼好讀書通列女傳長適江氏一月而寡次將歸傅氏而夫亡二女同守節別築一垣圍屋數椽田十畝於內以自居種獲有時父率傭以入餘日則閉戶相對雖淮田亦溝引而已如是者踰三十年後自爲塋於止水墩竟合葬焉族人以其遺產立祠祀之

徐福壽妻王氏

節嬭王氏淳安人年十九爲蜀阜徐福壽妻仁慈孝敬深執嬭道明年生子士華越七年而姑與夫相繼死節嬭值兩喪哀毀瘠甚幾不能生服旣除舅以年邁莫給衣食欲奪其志節嬭指日誓曰嬭無再醮禮卽有異志



猶如此。日由是舅不能強節。嬭益服勤儉，甘淡泊，躬紡績，養老撫幼，備極艱苦。舅歿，營備葬祭，無違禮。延師訓孤克底成立，讀書習爲鄉善士。節嬭年八十有七，稱未亡人者六十餘年。節搢凜凜，人無間言。有司上其事於朝，旌其門曰貞節。商文毅公爲之傳，贊曰：人有恒言，順天者昌，逆天者亡。嬭以夫爲天者也。若徐節嬭者，夫亡守志六十年如一日，豈非順天者乎？福壽光榮，享有子孫之盛，非彼蒼者有以相之哉！噫，順天者昌，予於徐節嬭有徵矣。

俞姻奴

俞姻奴，永嘉人。父貞早亡，家貧，母再許適。姻奴泣下，數自溺，衆挽慰諭之。母旣適，乃暫隨母入繼父家，居常快怏。每念及父，涕下如雨。居無何，母亦亡，繼父子欲犯之，不從。繼父子仍賂其母婢，諷焉。姻奴罵之，婢曰：若堅不從，彼必殺汝矣。又罵曰：死則死耳，我終身不受凶暴侵凌也。婢退，他日繼父出，其子果持刃入房，迫脅之，終不屈。遂見殺。繼父還，捕其子置空室中，飢死，乃葬姻奴。時宣德癸丑旱，何守文淵禱雨未應，耆老林湜言其事，何



守日其在是乎遂為文遣祭其墓明日果雨

葉俊妾何氏

何氏名京女永嘉人德性貞淑姿容秀整為葉俊妾俊以山西太原府知府致仕歸卒於家何心痛之哭至氣絕而甦成喪後三日潛身沐浴以膏塗首傅粉施朱身衣彩服泣告夫人薛氏曰大人在日妾御莫敢當夕今大人地下無人侍奉妾願以身當之拜別夫人為之永訣夫人反嗔怒之以為此女連日過哀失神乃致此耳何竟自縊而死夫人與眾嬾大慟聲震閭里里人聞於有司有司躬往視之莫不嘉歎為題其銘旌曰烈女何氏之柩

宋允中妻魏氏

宋允中妻會稽魏氏女年十六贅允中僅三日而允中歸尋歿其家火之投骸澗水魏奔赴拾夫骸還瘞家圃中服喪三年父母欲嫁之則號泣欲自殺家人知不可奪然業已受他幣第嚴為之守比迂者臨門守稍弛魏乃潛之圃中自縊死

李汀妻呂氏

李汀妻呂氏



呂氏名主奴爲永康呂汀妻汀赴姚泉汲水失足溺死  
呂慟哭仆地水漿不入口者數日舅姑憐其少寡強更  
適之呂聞乃縫衣秉燭赴汀溺所死  
朱泰妻吳氏  
吳氏女會稽人適文學朱泰性至孝姑唐病疾而性暴  
時加箠撻常跪受已輒起進飲食惟如也自食粗糲布  
褐常不完而姑之膳藥極精好旣而泰死無後或勸之  
他適輒號踊欲絕奉其姑益謹卒與姑相繼歿陶文僖  
重其節爲白有司捐貲創祠祀之

陳曙妻張氏

陳曙妻蕭山張氏女受聘後陳日寥落不能娶父將有  
異議張曰受聘陳卽陳妻也寧死不願更適後歸陳未  
幾曙卒與姑同寢一旦白姑曰天氣甚熱可獨宿姑聽  
之是夕卽自縊於床屏間距夫亡未三月也

馮光霽妻劉氏

劉氏慈溪人聘於馮光霽光霽卒父宦所劉時年十七  
聞訃卽哀毀如不欲生櫬歸劉請歸馮治喪母憐之不  
可哭曰聘不爲先婚不爲後不負此心死無憾矣遂奔



喪命治兩壙。壙故欲投以殉。姑力挽之。遂終身不御鉛綺。獨處一室。日事織紝。族人罕得見其面。事聞。詔旌其門。題之曰貞淑。

周廷輝女

周廷輝女。松陽人。年十八。有姿色。正統間。避難橫山。寇至。欲迫去。不從。卽以刃礪其頸。脅之女曰。欲殺卽殺。決不汝從。遂被害。鄉人哀而葬之。

周本恭妻趙氏

周本恭妻。諸暨趙孟德女。名淑。少時。父嘗授孝經。列女傳。等書。年十八。歸本恭。十一年。而恭卒。時值兵亂。淑嚙指自誓。挈孤。從一媵。避山谷間。飢餓顛踣。無二心。亂旣定。還家。治麻縷。自給。夜然松脂。舉詩書。以授諸孤。其兄公亦早死。淑撫其遺孤如已生。婚娶亦先焉。後皆成立。

蔡儼妻包氏

蔡儼妻包氏。宣平人。幼有淑質。適儼。勤於內助。正統中。鄉寇作亂。包氏從舅姑避難東岩。岩破。包氏被執。給賊曰。我有金銀藏岩穴中。當往取之。賊以爲然。同至其所。遂自投岩下死。



谷得與妻陳氏

谷得與妻陳氏麗水人年二十二善容色景泰元年春  
叛賊陶得二輩劫掠鄉林陳與隣嬭同避岩穴爲賊所  
執欲犯之隣嬭不敢拒陳獨憤罵不從賊脅以白刃罵  
愈不絕賊怒而殺之賊去鄉人斂其骸葬於小嶺因名  
其嶺爲烈嬭嶺

翁錄妻鄭氏

鄭氏名惟孝慈溪海豐尹鄭淵女歸翁錄錄奉例輸米  
携鄭上京卒於途鄭扶柩歸葬時年二十七無子翁伯  
仲欲奪其志鄭曰有姑在姑亡又欲奪之曰有父母在  
遂大歸於宗織紵自給及父母亡屏處敝舍瓦鐺地爐  
以供朝夕年踰六十出所積治棺槨絞衾甫具而竟以  
微疾死

楊孟輝女守貞

楊守貞者鄞人楊孟輝女也甫八歲守俞氏伯子頃之  
伯子夭俞氏請以仲繼楊父母許之守貞聞嘗悒悒不  
樂比俞請婚期守貞以死自誓泣拜母前曰兒死矣兒  
死矣大人許兒爲俞伯嬭疇知有仲也願大人以兒子



畜之。雖白首不悔。父母憐而許之。遂卧起。大小閣絕不與家人相接。年六十四而卒。楊氏私謚爲守貞。貞已死矣。

諸仕俊妻舒氏。諸仕俊妻餘姚舒慶女。名貞。年十八歸仕俊。仕俊故服賈。旣娶貞。稍流連。貞曰。人其謂我何。力賛之行。行未兩月而訃至。貞哀慟屢絕。聞者無不隕涕。如是者三月。仕俊骨歸。貞親營墳葬之。哭曰。所未同穴者。爲姑在也。其姑念家貧。身老。貞年方十八。恐後無所賴。謀嫁之。貞曰。甘紡績奉姑。終身若嫁。但有死耳。慕貞者。乃重賂其父母。業已定盟矣。貞知其不免也。給父曰。俟吾薦夫畢。惟父所欲適。於是賣其衣飾。擇日治齋。供供畢。漏下已四十刻矣。速其母與姑。俱就寢。乃沐浴。衣麻衣。被以長衰。牢結之。而截其餘帶。用素帛裹其足。取夫嬾故所服御。實一篋內。以赴火。焚之。遂自經。俄而火熾。衆驚救之。則貞已死矣。

趙孝女

趙孝女奉化趙鎮之女。父母連喪。女時年十八。尚未納采。弟淦幼未能立。女念無以撫淦者。遂誓不嫁。育淦成。



立至娶妻生二子曰英曰豪時年四十矣士大夫皆重其德欲令歸於貴族而其弟旋歿女又誓不嫁撫其二姪比英豪相繼歿又撫英之子諫女終不嫁而宗祀賴以不墜人稱為孝女云

包文助妻張氏

張氏名如湏鄞人年二十二歸包文助甫暮月生子旬未及晬而文助夭夫之女弟誘以改志毅然不聽女弟見不可奪夜偽為鬼祟以怖之張知其偽覆燈以覘俟祟發即啟燈女弟大慙而退自是屏華飾勤紡績養姑育子卒振包氏之宗旬長丕弘家業孫魯蟄蟄年八十餘而終後曾孫澤溥聯舉科第為御史人以為節義之報云

徐傑妻任氏

任氏慈溪人性貞肅年二十歸徐傑甫二年傑以應試不第快快致疾將屬纊而子錦方在娠任泣語其夫曰君上有母而吾幸有娠必期奉母育孤以存若後誓不毀節辱君也傑於枕上作頓首狀曰謝卿果爾吾目瞑矣夫亡一月子錦生育之漸長使讀父書鬻環釧以佐



費勤織紵以資養卒成其子錦第進士官至都御史

包謙妻鄭氏

鄭氏陝西臨潼人父任杭州府稅課大使携女隨任擇杭士秀拔者得錢塘包謙歸之謙舉成化己丑進士授行人卒於京師鄭氏時年二十六父聞謙卒命其子至京迎回臨潼守制遺孤光弼方五歲鄭氏謝泣曰予歸侍父兄則包氏宗祀絕矣遂扶柩還杭家屬空勤女紅以自給無間昕夕寒暑十指皆孥課子讀書焚膏盈勺竟始就寢日以爲度或誦讀稍怠卽抱謙神主哭不輒聲子亦奮勵應明經選官貴池縣學訓導鄭氏年八十三始卒

張昱妻彭氏

張昱妻彭氏字妙寧嘉興人父公衍有文行教以列女傳諸書及節義事妙寧曰是不難人當壁碎而潔無寧瓦全而穢父鍾愛之館昱爲甥未幾昱疾且革妙寧泣曰妾與君同年生必期同年死君苟不幸妾固不忍獨存已而昱死兒尚在抱旣殯輒欲自盡姑挽奪得不死姑泣戒曰吾年老爾兒幼且病忍弃捐邪乃奉姑命調



護其兒。兒愈遂絕飲食。髮跌號泣五日而死。

陳佳妻王氏

王氏慈谿人。既聘於陳。而夫佳病且革。為娶王以慰之。及門。即入侍湯藥。未幾佳死。時王年方十七。即屏簪珥。服御衣。斬衰。誓不再嫁。後姑張。遇之無恩。責其未成禮。而守為無名。王曰。既入陳氏之門。經事君子。何謂無名。張乃使人邀其二弟。從容諷之。王不答。入卧內。截髮。以示張。終欲強之。窘辱百端。二小姑凌之若婢。稍不順。輒爪其面。張聞復加捶楚。王口無怨言。第曰。不逼嫁。為婢亦甘也。每夕寢處小姑床下。受卑濕。遂病偃。王私自幸。曰。吾今而後。吾知免矣。鞠其猶子梅。為嗣。保愛過於已出。教之業文。後領鄉薦。為祁門教諭。王以高壽卒。

吳節嬭鄭氏

吳節嬭者。平湖鄭氏女也。父肅娶於茹。雍敬一德。寔生節嬭。節嬭幼閑內則。年十七。歸海鹽吳。贈君某。未幾贈君殞矣。當是時。節嬭年纔二十八。有兩孤。日夜躬衣食。教之。茹茶揮血。益久益勵。蓋五十年。年七十八而終。人咸稱為吳節嬭。云節嬭執勞自飭。蠶績織紝。寒燠無休。



時姑且亡，呼幼女，隔之節，嬾以累汝。節嬾育而嫁之，禱衿九十，事其舅，始終極恭順。雖魚菽之薦，筐筥必自蠲。曰：養與祭，皆嬾人事，敢不虔。節嬾又能念父母孝敬，不衰歲時，上冢輒泣下，徘徊不能去。時時述贈君長厚事，教兩孤曰：而父宜有後，慘結酸愴，然未嘗夜哭也。仲子舉進士，令宣城分祿遺節嬾。節嬾曰：嗟乎！祿養汝，庶輟汝祿，無妨汝庶乎！慎無復爾。既封太安人，貴矣，益纖儉。居約一布被，更六十年，綴緝不忍弃。正德中有旌典，有司擬上之朝，節嬾則謂仲子曰：從一而終，吾盡吾心焉耳。吾業受封，敢邀再命，汝亟謝，故有司輟弗請。兩子長昇、仲昂，仕至福建右布政，自有傳。

葉孔賓妻鄭氏 妾何氏附

葉孔賓妻鄭氏，青田人。孔賓父卒於官，往搬喪，渡揚子江，舟覆而沒。鄭氏年二十三，子甫生十月，家貧，或勸改適。鄭矢心不從。妾何氏年二十一，鄭曰：我守夫志，若無子，宜出。妾涕泣曰：主母既守志，妾當奉以全節，何以出為。相依紡績度日，葬舅姑，撫幼子，共處六十餘年。時人謂之雙清。



孫玉妻楊氏

楊氏、仁和人。年十九，歸錢塘孫玉，承事舅姑，以孝敬稱。居數歲，玉卒，楊氏哀毀絕粒，求以身殉。姑諭之曰：「吾二老人待汝以終，藐諸孤，待汝以育，汝安得死？」於是楊氏雪涕強食，誓天守志。時年二十七耳。人有欲移其志者，輒斥絕之，終身不與語，屏去膏沐，恒自稱未亡人，勤儉克家，以守夫業。教二子宗黼、宗黻，必以德義及舅姑相繼。歿，罄奩具以襄大事。人云：孫氏有類勝於有子。

何謙妻吳氏

吳氏，名慶真，海寧人。許字何謙，未歸而謙卒。慶真遂衣衰麻，為謙執節。父母憐其少，欲奪其志。慶真哀慟不欲生，遂寢。已而父母相繼歿，兄嫂因其志不可變，因析屋分爨，以恐之。慶真依幼弟景輝以居，紡績自食者八年。弘治丁巳冬，舅姑為謙襄事，慶真具牲醴，偕兄弟哭奠畢，回家闔寢室自縊。時年二十有八。舅為歛屍，合葬焉。縣令江東易蒸贊曰：春風桃李天，六禮初交夫。嬾旣定，山嶽不搖，破鏡埋光，孤鸞沉影。一身綱常，重於九鼎。俾彼高岡，馬鬣其中。生未同處，死則同封。嗟哉烈女，節義完。



備所讀何書不識一字。或曰：俱同姓，對照女清美宗。

高逾妻李氏

子頰曹妾陸附良際常重飲以神氣

李氏名阿妙桐鄉人年十八歸逾生子熊方晬而逾死。

家貧舅姑復相繼歿歸依其母吳氏以若母諭之改圖。

輒痛絕母不復強熊既長娶曹無子李為熊娶妾陸氏。

甫得子而熊又死曹與陸皆矢心不貳上事孀姑下撫。

弱子兩世三節鄉黨重之。

兩浙名賢錄卷之五十一終

兩浙名賢錄卷五十二目次

列女

明二

吳江妻李氏

張鸞妻汪氏

徐泰皓妻陳氏

金傑妻徐氏

周漁妻王氏

滑鳳妻陳氏

莫潤妻沈氏

葛璋妻蔡氏

鄭好密妻詹氏

趙氏女璫

吳縉女

鄭璽妻魏氏



呂洵妻居氏 俞僧妻王氏

周孝女 豐勳妻徐氏

張維妻凌氏 張晟繼室于氏

方瑄妻沈氏 馬興繼室沈氏

袁子純女妙善 顧燁妻梅氏

高霽妻常氏 朱璋妻章氏

張道晟妻褚氏 子清嬭孫氏孫戩附 宋鼎妻周氏

丁杲妻應氏 劉越妻孫氏

李珂妻胡氏 金模妻呂氏

萬制三女月娘 衛蘭妻趙氏

張寧二節 蔡烈嬭

吳忠妻王氏 鄭銀妻朱氏

吳榮妻項氏 朱炳女

竇烈嬭 葉三妻蔡氏

忻玉妻楊氏 陳襄妻倪氏

李淳妻盧氏 石門丐烈嬭

孫氏女 余氏 陳文濠妻高氏

陳原理妻馮氏 姊潘氏附 徐氏三節



張珍妻趙氏

季君問妻萬氏

胡鈇妻徐氏

陸衍妻糜氏

嬭周氏附

董壽妻王氏

董湄妻虞氏

徐壽妻梅氏

蔣邦沛妻陳氏

葉氏女

林汝殷妻王氏

周顯妻張氏

周淑清附

向升妻王氏

凌桂妻張氏

高瑞妻郎氏

張生妻沈氏

王三狗妻陳氏

朱貴妻范氏

錢欽妻茅氏

朱道弘妻陳氏

吳伯鳳妻葉氏

方嬭王氏

許元忱妻胡氏

符松妾真奴

閔塾妻孫氏

王曰可妻李氏

夏冕妻王氏

周應祁妻項氏

劉伯春妻張氏

沈東妻張氏

妾潘氏附

沈氏六節

茅氏女

陸美妻俞氏

馮警妻張氏

伯妾徐氏附

竺欽妻陳氏

傅梓女

徐氏女



黃鶴年妻張氏

蔡孝女

程璣女菊音

馮坤妻夏氏

陳貴妻李氏

沈澤女淑貞

史立模妻馮氏

袁栢妻趙氏

孫承祖妻嚴氏

沈泰妻胡氏

朱球妻夏氏

劉濂妻馬氏

秦某妻顧氏

兩浙名賢錄卷五十二目次終

兩浙名賢錄卷之五十一

東海徐象梅仲和氏撰

鹽官許僖叔魯氏閱

列女

明二 共一百九人

吳江妻李氏

吳江妻餘姚李氏女夫與舅姑俱病疫李周旋湯藥旬日不少怠既而舅與夫俱死家故貧遭此兩喪愈益貧舍哀紡績以養姑及幼子而已恒凍餒時年纔二十耳



明年有黃某者謀娶焉其夫族吳琰者貪賄無耻人也黃厚賂琰使嘗其姑而以尊劫之不從琰乃陰與黃氏及父家約稱其母暴病肩輿迎李李倉卒升輿然非故道心疑之既及門非父家也姑亦尋至布几席速之成禮李佯曰所以不欲嫁者爲姑老無依也姑既許之復何言然妾自夫沒未嘗解帶今願一湯沐又問聘禮幾許姑曰幾許曰謹藏之爲終老計衆喜具湯湯至求如廁父之不出關廁戶視之則已經矣

張鸞妻汪氏

汪氏慈谿人聘於張鸞未適而鸞遊閩中父母度其將返預娶汪過門以俟月餘忽報鸞死矣汪驚怛仆地移時方蘓誓無他志其母憐其未成嬾誘以歸諭之更嫁汪乃投簪取珥雉其衣擲地曰還汪家物歸張氏身卽登舟而返獨守孀閨未嘗踰戶外後忽病疹危甚翁姑爲之迎醫汪却之曰吾得死所矣豈更藉醫求活邪遂卒遠近憐而賢之

徐泰皓妻陳氏

陳氏名妙善錢塘人年二十一爲徐泰皓妻越三年而



泰皓死無子。妙善苦志不貳事翁姑。曲盡孝養。每以徐氏宗祧爲念。廼託所親勸翁納副室。生子崑。妙善慮其孱弱。且翁年近七旬。盡心撫育。以至成立。徐氏之宗賴以不絕。崑感丘嫂恩。以母事之。及卒。崑行三年喪。君子以爲宜。

金傑妻徐氏

徐氏慈谿人。定海金傑妻也。傑兄以罪逮京師。傑往請代。瀕行時。徐已有身。傑顧謂曰。予去。生死不可知。生女已矣。卽生男。可善撫之。金氏之鬼庶不餒而已。而悔曰。吾幾誤君。傑去。萬無生還理。卽死。汝可善事後人。徐飲泣曰。君誤矣。君以義往。上必義君。君兄弟當同歸。無過苦也。卽如君言。妾有死而已。敢忘託乎。已而果生男。名之曰常。居無何。傑兄得生還。而傑竟死獄中。訃聞。徐哀毀不欲生。乃撫孤。勸曰。我本欲從汝父地下。奈金氏宗祧何。強起。括奩具。營葬事。服闋。父母或勸之他適。乃引刀截髮。斷指以死誓。時年二十二。茹淡攻苦。績紵給食。以教子。年八十餘卒。

周漁妻王氏



王氏奉化人許嫁周漁未娶漁病既革索見其妻不已母送女至門漁一見卽絕王氏卽守喪辭母痛誓不返終身無變志

滑鳳妻陳氏

滑鳳妻餘姚陳氏女歸鳳未幾而服賈荆襄間十一年不返或謂鳳已死矣舅姑輒欲嫁之嬭曰使鳳果死嬭當以死事舅姑鳳倘生還而嬭已嫁嬭固置不論舅姑將何以解於其子乃斷髮誓守鳳果還數月而鳳復去無歸期方是時嬭已誕一子飢寒辛苦未嘗幾微怨恨無何而邑內大疫其姑疫且死嬭籲天曰妾夫客於外今姑邁危疾妾聞人肉可療死願剖股以進惟天神默祐俾姑更生得再面其子妾死無恨遂剖左股和羹以進姑竟愈人謂陳氏孝義之誠格於神明

莫潤妻沈氏

沈氏餘姚人有美色年及笄爲莫潤妻潤暴悍好飲博不治家人產輒促其妻爲不義事沈曰但有一死耳不義不忍爲也潤知其不從乃陰與富兒約強改嫁之遂自經其前死



葛璋妻蔡氏

葛璋妻上虞蔡氏女年十七歸璋明年璋卒未三月里中見屠某謀娶之其姊蔡妯娌也假他事給與姊會而屠從旁竊視之蔡覺哭曰何顏再生人世耶奉舅姑夜膳畢沐浴服衰自縊死

鄭好密妻詹氏

詹氏青田人爲同邑鄭好密妻好密嘗忤大姓劉某劉伺計傾之適土寇聚採銀坑誣坐好密巡司戒捕好密逃去捕卒四人縲詹入官晡時披涉澹澹三十里無人烟詹自度不免時一卒髯勇三卒惟命詹知之游目屬髯勇卒背三卒紿之曰暝涉深麓三管勾無禮願爲主毋縱其亂妾行君家惟所私髯勇卒意詹悅已掖詹出山三卒言稍涉戲輒詬之越二十里至黃壇遇歸樵詹顧髯勇卒曰妾屐折不利暝行假樵刀去之執屐呼四卒戲曰妾擲屐先得者夕當侍寢遠投屐於棘藜四卒墮笑望屐兢趨詹引樵刀自刎四卒驚走時盛夏暴尸於道經旬蠅蚋不卽面目如生官葬之事聞當道執四卒斃之杖下邑人陳中州爲之傳曰詹之死固難而潔



身不污尤難。荷緹出入麓藂三十里無人烟之岐。計倚髯勇以退羣狡。笑談弄屐以就死地。此其智其節。雖古之忠烈。容有未盡。詩書不足稱矣。

趙氏女璠

趙氏女名璠。縉雲人。宋格菴先生六世孫。年笄未嫁。時流賊犯境。居民奔避。璠父卧疾。不忍離。遂被執。欲污之。璠給賊曰。少入。安慰吾父。卽當從汝。賊聽之。卽解裙帶。自經死。賊重其義。遺白金爲歛具。咨嗟而去。

吳縉女

吳縉女。新昌人。年未笄而縉死。母石氏泣謂之曰。我幸有孕。若生男。則汝父不死矣。顧奈家貧。何女奮然曰。倘天祐我父。使有弟。願在家輔之。不適人也。後果生男。遂堅守前誓。母欲爲之贅婿。曰。有婿卽有外心。亦弗許。終身不事粉澤。日夜拮据不怠。年七十六卒。葬銅坑陳家塢。人呼爲小娘冢云。

鄭璽妻魏氏

魏氏。字德盛。蕭山魏文靖公仲子完之女。幼有志操。頗涉書史。及笄擇配。得錢塘鄭生璽。贅於家。璽回杭定省。



得暴疾，德盛聞之，欲往侍湯藥。祖母丘夫人與之俱行。比至，其夫已死，德盛殞絕。良久始蘇，至夕以白練自經於尸側。祖母解之，得不死。及歸，渡錢塘江，據舷投水。女奴力爲抱持，遂已。抵家，又欲自縊，家人晝夜環守，無所得間，遂斷髮毀容，嚙無名指，流血不已。風中其患處而死。德盛幼時，嘗以父患劇疾，日夕禱於天，乞以身代父。父病卽愈。弘治間，事聞，詔旌其門曰：孝烈。

呂詢妻居氏

居氏，海寧耆舊正之女，笄而字於呂詢。詢幼喪母，而父病癘，絕不省識人事。氏歸，無何詢死，後姑迫之他圖，氏不爲動，乃分出之北鄉田舍。氏奉詢柩如田舍間，手織自營，瓶粟屢罄，里頗悼憐之。爲氏泣曰：寒餓槁死荒野，誰則知者？氏失聲泣數行，下曰：吾義不踏第二條路，吾終下殉吾夫耳。單約困悴，幾三十年，乃死。邑人許相卿作居貞娥傳，其言曰：夫名爲呂詢，妻而復曰居貞娥，何有家妻道也？有家猶終處室焉。娥之貞云爾，孱如女子，抗烈丈夫，抵死不可奪之節，難矣哉。

俞僧妻王氏



王氏新昌人歸俞僧僧鮮兄弟而伯六子橫甚欲七分其田宅僧父持之堅遂不通往來王歸俞始合番疑之舅姑語之故王曰兄弟重乎田宅重乎乃往伯翁所行茶告願均分如命伯翁大喜置酒惟會復爲兄弟如初王勤儉治生十餘年伯產悉歸王

### 周孝女

周孝女青田人父元綱捕時浴簷下爲虎所啣女年十八呼號攘臂擊虎至門外力抱父足虎弃其父而啖之餘姚胡孝聞其事而立傳曰嗟乎周氏女之生也窮鄉幽谷所見聞者杼軸事耳乃能奮不顧身搏虎救父不免虎口彼其心欲生父父斃而與之俱心始安矣孝莫大於安心作周孝女傳

### 豐勲妻徐氏

徐氏鄞人年十八歸豐勲勲力學篤行人稱醇儒三十而卒無嗣徐時年二十五誓以死殉自投於地傷手足姑周氏力救之得不死自是衰麻疏食終其身事姑曲盡孝道問安視膳畢卽入室堅閉其扉卽猶子莫得見其面壽八十四而卒卒之日其娣史氏往與之訣徐端



坐於榻舉手稱謝再三且曰子孫幸力爲善合掌而逝

張維妻凌氏

凌氏慈溪人弘治壬子舉人張維妻維卒時凌年二十四有子三歲而殤因歸省其兄諷之改圖凌不勝悲憤哭嚙其唇喫血洒地遂終身不復歸寧舅姑慰之曰已不幸絕嗣生計無賴吾二人日逼桑榆爾生尚遠奈何爲活邪節嬾曰耻辱事重餓死甘之乃出簪珥爲舅納妾得子紹喜曰張氏不絕亡夫墓門且有寒食矣未幾舅病瘋姑目雙瞽節嬾紡績以養二十年不衰邑令葉竦重其節置田五畝資之其後幼者未壯而荒喪相仍節嬾亦老且憊竟以餒死

張晟繼室于氏

于氏名永壽應天府尹冕之女肅愍公謙之女孫也年二十一嫁吏科右給事中仁和張晟爲繼室成化二十一年晟奉命封滿刺伽國王道卒於顛輿輓歸杭于氏聞喪號慟嘔血欲死父母慰諭之曰汝有遺腹若幸而生子宗祊攸係苟欲自盡如張氏血食何自是始悟不復言死矣時年二十六不服華麗不食膏腴不踰閭闔



謹撫遺孤成就學問歷四十二年如一日錢塘陳善論  
 之曰松桂之藜必產芝蘭信哉吾杭于肅愍公魏文靖  
 公皆有女孫以貞烈顯冰清玉瑩矢志不渝夫烈女之  
 狗夫猶烈士之殉國今以忠良之胄誕此貞媛有光王  
 父矣

方瑄妻沈氏

沈氏名淑寧崇德人年十九歸方瑄纔十八日而瑄死  
 淑寧痛哭隕絕復蘇舅姑貧令歸依母氏母以其年少  
 無子潛以許人淑寧知之給其母曰事既如此盍可弗  
 白舅姑母不疑往遂自經死楊循吉為之傳

馬輿繼室沈氏

沈氏嘉興知府馬輿之繼室也貞靜有至性輿壽考終  
 而沈年尚少無子悲啼不絕聲八日夜自經死

袁子純女妙善

袁氏名妙善山陰羊望村人父子純沒於王事貲產豐  
 給遺幼子一人宗黨利其貲者甚眾妙善方待年未字  
 奮然願保其弟誓不適人且稍散其貲以安宗黨及弟  
 娶嬾俞氏妙善喜以為庶幾振其宗未幾弟亡俞氏又



亡。妙善益勵志。綜緝家務不怠。宗黨欲攘奪者。籍籍。妙善曰。立後將自定。擇袁氏同姓者一人。非世次不可。乃子其甥。邦傑。家業自是益饒。邦傑生二子。次晟。天順八年。進士官御史。

顧燁妻梅氏

梅氏。嘉興顧燁妻。四川提刑僉事梅江之女。江擇婿。得燁。以女歸之。燁字耀卿。第進士。有志行。爲給事中。能舉其職。早世。梅卽不食而死。

高霽妻常氏

常氏。嘉興高霽妻。年二十一。歸霽。僅九月而霽死。遺腹女。又死。常之祖母隋。固節嬾也。因扁其堂曰繼節。矢曰。上當不媿吾祖。下當不媿吾夫。乃鞠夫弟之子爲後。卒能信其言。

朱璋妻章氏

章氏。海寧人。朱璋妻。生子八月。璋死。章慟絕。欲以身殉。姑歎曰。我老家貧而孤幼。嬾復舍我。以殉夫。孤將何依。天其遂絕。朱氏邪。章聞姑言。遂忍死守志。父母舉輕塵。弱草之說。諷之。輒觸額。濺血誓志不移。父母懼而謝焉。



嚙茶茹藥四十年如一日孝養老姑訓子成立嬭道母儀邑人稱之無異舜

張道成妻褚氏

子清嬭孫氏孫戩附

褚氏鄞人張道成妻年二十五而寡守節終身子清克孝遇褚危疾剖右臂和藥療之母卽差褚卒清廬墓三年有紫芝之祥未幾清卒妻孫氏亦守節辛勤撫其孤戩戴成人會孫感鬱疾戩念父剖股療母事因亦剖臂作羹進之孫復愈張姑嬭雙節而清與戩剖臂致孝奕世載德人多稱之主事宗佑爲題其堂曰世全節孝爲文記之

宋昆妻周氏

周氏奉化周若之女歸宋昆昆病癱欲死嬭以口吮其膿每口嚼土蠱以塗瘡遂愈未幾昆中風死嬭號慟絕而復蘇時年二十一一息在襁褓四壁如懸磬盡鬻衣裝以歛不能營葬者二年朝夕悲泣若初喪宗人宋時振憐其義割地與之嬭自負土以葬上事垂白下哺黃口劬勞樵汲無毫髮怨懟又鞠夫幼弟以爲門戶計至有室家相繼而亡未幾姑與子又相繼而亡嬭復負土



卷之五十二  
十一  
葬姑如其夫有富人慕其女紅欲求爲嬾者使隣姬袖金環以諷之曰一門盡矣無一瓦之覆一壠之植若何恃乎嬾堅不可奪姬慙而退飢寒迫身惟紡績補綴爲活所居風雨摧壞假祖屋簷下縛茅以自存艱苦之狀人不忍見嬾甘之若飴竟以節終

丁杲妻應氏

應氏縉雲丁杲妻年二十五而寡三孤俱幼搆育有成比憐屢失火皆逼於堂而滅其丁酉之火應先夢神告之曰無恐與西風以寧爾已東隣火居於西者皆惶惶無措應以所夢告果返風滅火人以爲苦節之徵

劉越妻孫氏

孫氏慈溪劉越妻年二十一而夫亡舅姑憐其少寡欲嫁之氏乃斷髮焚夫柩前曰吾志若移有如此髮因留其柩不舉終日坐柩旁以事紡績鞠子旣成始舉葬之

李珂妻胡氏

李烈嬾胡氏鄞人年十八歸縣學生李珂二十五而珂死一男一女胡守室中絕跡不踰閭一日夜火作於隣珂兄珮往救之胡扃戶而應曰阿姆來吾乃出珮使妻



陳徃胡以七歲男自牖付之囑曰幸念李秀才善視之陳曰媻將何如胡給之曰取少首飾卽出陳去胡卽疊數箱於牖下几上抱三歲女端坐而死

金模妻呂氏

呂氏錢塘人年十九歸邑人金模甫數歲模客死始蘓呂方二十七聞訃哀慟欲絕旣而幡然曰吾卽死得矣弱孤疇與撫况高堂暮景乎是吾夫未了之事在我一身奈何言死死非從夫是負夫矣遂忍痛襄事孤寒伶仃衣食不給自甘澹泊水蘖益勵撫育幼子山成立慈節兩全無媿頰道時郡城大火將及其廬呂焚香祝天旋即返風城南萬井煨燼而金氏之廬巍然獨存人咸異之

萬制三女月娘

萬氏名月娘新城人萬制三女許聘同邑羅篋未結褵而篋卒月娘欲奔喪父母固止遂浣粉澤衣衰麻爲夫行服未幾父議將改字月娘泣曰天可容二日乎踰年父卒月娘年甫二十事母極孝日與母躬紡績闔門謹守卒於家



衛蘭妻趙氏

趙氏名靜端，崇德衛蘭妻。年二十七而蘭死，時衛氏中衰，遺孤在襁褓，或勸之嫁。靜端指井誓曰：「此井可改，妾心不可改。」苦節五十餘年，以壽終。

張寧二妾

高氏寒香，李氏晚翠，海鹽人。太守張寧二妾也。年皆破瓜時，相繼事寧者三年。寧疾且革，囑其嗣子曰：「必嫁高李二妾，聞而慟不勝。」寧歿，服除，劉恭人與諸妾尚衣皚素，獨令二妾釋服。二妾泣問故，劉亦泣謂曰：「主君臨歿之言，不聞乎？」二妾大慟曰：「賤妾蒙主君取憐，有年恨不能卽死以從，敢有他志邪？」相與焚香剪髮誓死，屏居一樓。三十九年，家人罕見其面。寧不事生產，身後家益落。二妾茹荼飲蘂，有賢者之操。事聞，詔旌之，曰「雙節」。

蔡烈嬾

蔡烈嬾，崇德人。龍陽縣學訓導蔡天錫之女，許嫁何鶴齡。多行不義，兩家父母俱議改婚。蔡誓死不從，遂歸鶴齡。鶴齡日事淫博，爲偷兒。蔡輒泣諫，憤懣就經。翁姑覺而解，翁死，鶴齡不爲治喪。蔡罄衣貲營喪，葬鶴齡。反朝。



夕迫蔡從娼、蔡知不免、沐浴更衣、自經死、

吳忠妻王氏

王氏、吳忠妻、安吉人家、甚貧、正德初、夫疫死、嬭無所依、有欲收之者、嬭不應、乃為麥飯、瘞夫冢前、痛哭良久、以草簣裹其身、自沉溪而死、

鄭銀妻朱氏

鄭銀妻、縉雲朱氏女、年二十五而無子、為銀娶妾、生二子、銀得篤疾、將屬續、以孤託之、朱泣曰、天平、妾為君謀至矣、今何忍見其顛連、亟為夫治後事、更衣自縊、教諭

鄭汝清稱為夫君之荀息時為名言、

吳榮妻項氏

項氏、松陽人、為吳榮妻、有姿色、在樓績麻、夫兄名鷗、童者、窺而戲之、項即叱怒、墮樓死、隣族哀之、聞於官、刑其罪人、禮葬之、旌為烈嬭、

朱炳女

朱四女、平湖朱炳之少女也、年十六、許姚氏、未及行、炳卒、無子、四女日夜哀思、依輔寡母、極盡孝養、其姊夫丘鍾惡、少也、謀欲私之、且併利其業、強附同居、數挑四女、



不從鍾卽暗誘而挾之四女卽大聲詈罵痛哭於庭自傷無父之女爲人所凌如此遂縊死父柩之旁聞者咸稱其烈

竇烈嬾

竇烈嬾者餘姚姜榮之妾也京師人嫻於色榮爲主事時納之及出判瑞州携竇與俱時華林賊起攻瑞甚急榮時護郡符出拒賊賊破其城突入郡堂竇匿其符賊入榮舍携竇以行竇度不可脫而榮未知符所在心獨憂之有郡民盛豹一父子者在賊中求還其一人竇亦爲請賊許焉乃密語還者以符匿之所且曰吾必死矣歸報官府母我念竇行至花塢村見道旁有井佯渴求飲賊縱之遂投井以死賊駭異而去

葉三妻蔡氏

蔡氏松陽葉三妻也三貧負薪蔡小心敬事有舉案齊眉之風三父病績紝供藥糜無怠色三病篤執蔡手訣曰趁我生前嫁免得三年苦蔡跪爲樂從狀梳洗更衣陰袖刃告三日我先嫁矣刎頸仆地流血而死

忻玉妻楊氏



楊氏鄞人年十九爲忻玉妻玉病疽楊吮之後死楊痛哭而絕三日家人具歛乃薤猶噫噫作哭聲遂斷髮死誓無他志每食必依玉柩側玉嗜鯉每忌日必設鯉一年偶植河枯無從覓楊悲慟不已忽一漁父持鯉至以一金得之祭畢食胙得原金於魚腹中人大異之以爲哀感所致呼爲哀感孺人年八十二卒

陳襄妻倪氏

倪氏定海人適鄞陳襄爲諸生有聲未第而卒倪時年三十無子而貧甚方女紅以養姑人有聞其姿者遣媒白其姑姑將有感志倪聞而悲憤煎沸湯沃其面左目爆出復以煙煤塗其傷遂極瘁惡媒乃不來歷艱苦二十年姑七十餘病卒倪哀慟七日不食而死

李淳妻盧氏

盧氏永康人嫁李淳三載而寡一男一女俱早喪家貧績紵自給有勸之嫁者輒以死誓絕歸倚母氏氏兄弟得賂欲脅之再適氏自知不免乃給之曰吾所以不從者以夫子亡未薦服飾未備耳衆以爲然乃潛治自己衣衾喪具及期置夫神主哭祭之夜自縊而死



石門丐烈嬾

石門丐烈嬾者，湖州人。莫詳其姓氏。正德五年，湖民大飢，嬾與其夫及姑走崇德石門市乞食。嬾有殊色，市人爭憐欲挑之，與之食，不顧誘之財，亦不顧坐東高橋上，不復乞食者二日。伺夫與姑皆不至，聚觀者益衆。嬾乃從橋上躍入水中以死。

孫氏女

孫氏女，蕭山人。其隣有沈氏女，許聘汪鑑。旣納采，鑑病死。聞訃，哭之慟，欲往歛，父母不從。將自經，乃許泣告父母，請終三年喪。孫氏時年方十七，聞之曰：「差矣！父母問其故，曰：『只死方好。』時孫已通名葉氏。未幾，葉氏子病篤，將不起。孫卽潛製歛具，已而葉訃果至。孫因取歛具，隔父母，令納葉棺。尋忽自盡。時守浮梁戴珊躬臨其家，以旌異之。

陳文濠妻高氏

高氏，杭州右衛舍人高恂女，許嫁府學生陳文濠。濠病天，女聞訃，號慟，製服赴吊，北發引，又哭送至墓。因矢不再受，委禽或以未成，嬾諷之。女曰：「夫一納陳氏幣，卽爲



陳氏嬭何得以結褵與否異乃心業心許與死同穴不可易也居七年以病卒夫家卒迎其棺啟濠穴合葬焉

陳原理妻馮氏

馮潘氏附

馮氏慈溪人爲進士陳原理妻原理中正德庚辰會試榜武宗南巡不果廷試病卒下邳馮時年二十二無子舅姑老業且凋落惟勤紡績爲儻居具舖之費與一婢俱外戶不闕內言不出娣潘氏亦少寡每歲時聚享相對哀慟誓以死守郡丞顧錫岩悼之以詩曰曉閣共悲境破夜窓聯織一燈寒讀者莫不墮淚

徐氏三節

徐氏三節者鄞儒士徐奎妻王氏生子海五歲奎卒王時年二十三事姑孝敬撫育遺孤海娶余氏僅暮海卒余時年十九遺孕五月逮生子名曰定示其志有定也遭家日落勤紡織以養姑定娶周氏甫二載定卒親族或勸之曰汝無子恐弗可以終周曰守節視子有無懷二心耳乃子族人之子竟以節終徐氏三世嫠居皆青年以至白首跡不踰閭聲不出戶鄉人稱之二賢女

張珍妻趙氏



趙氏，鄞舉人張珍妻。方歸時，家徒四壁，立一燈，夜績相珍讀書業成，舉於鄉。未踰年卒。趙時年二十二，艱苦伶仃，以死自誓。惟勤女紅以糊口，然終身不爲男子製服。別嫌明微，類皆天至。坐卧一小樓，雖寒暑不下。至白首，宗戚尚有不識其面者。趙氏諸子，姓有過，必曰：毋使祖姑知之，其見嚴於人如此。

季君問妻萬氏

萬氏，遂昌季君問妻。能詩，夫亡守節不二。嘗自繡梅花一枝，詩一絕於枕曰：灑灑英標別一奇，歲寒心事有誰知。妾心正欲同貞白，枕上殷勤繡一枝。有詩集數卷，藏於家。

胡鈇妻徐氏

徐氏，永康胡鈇妻。歸胡二年而鈇死，無子，矢志苦操。素衣竹簪，不與宴會。坐卧夫柩，傍足跡不越戶闥之外。隣火延及寢室，衆勸其出，顧堅抱於柩，大呼曰：得同燼，幸矣。須臾，反風，以免。人咸異之。年八十二，無疾卒。

陸衍妻糜氏 嬭周氏附

糜氏，嘉善陸衍妻。年二十，衍卒，初衍病革，注目於糜者。



久之糜泣曰君疑我邪遂毀容示衍既而撫遺孤取嬾周氏孤復死廼與周相依以居寒燈蔽帷始終如一人稱雙節

董壽妻王氏

王氏名桂芳嘉興人歸同邑董壽踰年壽病且革囑嬾更適桂芳誓以死殉壽卒其母湯亦寡居命女歸同處芳不從越月母固強之往家一飯哽塞不能下咽還過宣公橋顧其母曰河水清冷可就死母懼抱持之乃止至家卽麻經自經死

董湄妻虞氏

虞氏名嫻海鹽虞烈女也幼讀書能詩年十六歸董湄甫兩月而湄以暴疾死嫻褫魄驚慟絕而復蘇屢求死不得盡屏常所服御髮免麻泉哀哭弗休丈室重局攻苦食淡瘁瘠如枯禪苾蒨尼間詠菊云移種春苗愛護周柴桑無主爲誰秋寒芳甘抱枯枝萎羞墜飄風逐水流其志可知矣嫻每歎曰吾不得從吾夫死得復見吾夫如生者快長瞑乎乃自貌其夫如平生募工刻畫而自潤飾之意態風度溢於雕繪粉墨之外旣成大哭曰



吾夫今果如生矣。具酒炙享之。自是食必薦語。必告事。必禱盥櫛湯沐。昏且寢。與裘葛更襲。無異生人之奉。十五年一日也。誠積而思專。目若見之。而耳或聞之。家衆老稚駭相告曰。木官人汗簌簌下矣。又相告曰。木官人舉袖指揮矣。舅謙聞而恚曰。兒乃憑此為厲邪。亟取火之。媼大慟曰。吾長已矣。由是食則祈死。泣必淚血。黥爾。悒鬱以死。年五十一。

徐壽妻梅氏

梅氏。雲和徐壽妻。年二十二。夫亡。長子珉。方二歲。次子

在。娠家貧。姑諭再嫁。梅以死誓。紡織易粟。以養姑。育子。歲凶。設三等食。奉姑以米。哺子以麩。已則咽一二麩餅。以克飢。二子俱成立。縣官表其門曰節孝。

蔣邦沛妻陳氏

陳氏名金。象山人。適馬岡蔣邦沛。夫染瘵疾。語之曰。吾不起矣。汝年方少。我死。汝自為之。妻泣誓曰。生則同衾。死則同穴。吾不知其他。已而夫病亟。乃沐浴更衣。歛手足。潛自服毒。謂家人曰。吾身殊不快。即假寢。夫側既而呼之。氣已絕矣。其舅謂其夫曰。汝嬾死矣。邦沛強顧之。



亦瞑目而逝。

### 葉氏女

葉氏女定海人。許聘慈溪翁氏。幼失父母。歸翁育之。年十四。翁資產旁落。且喪其姑。舅畜之如婢。勞肆萬狀。無怨色。一日舅以子未壯。室可少緩。欲鬻之。葉聞。恚曰。我非貨也。焉得展轉貿易。以爲利。連日泣下。旣知不可免。僞爲喜色。若將從舅命者。舅遂寬之。適夜月明。給妯娌曰。月色甚佳。盍少夷猶乎。適門外有人。依違而入。久之。妯娌止之曰。夜幾半矣。盍就寢。應曰。諾。翌晨啟門。覓氏已浮尸於河。起之色如生。其衣服上下。聯結甚固。時暑方熾。而尸不腐。人皆異之。

### 林汝殷妻王氏

王氏黃岩人。年二十二。歸林汝殷。未幾汝殷死。里人陳文白慕其賢。欲娶之。王斷髮以死。自誓。其父母防之。且勸之力。王佯許焉。旣久。防者稍懈。乃陰囑侍女。分其嫁時服飾。一歸其母。一予其妹。一爲殯歛之具。遂自縊死。

### 周顯妻張氏

周淑清附

張氏仁和人。適同邑周顯。爲郡學生。以秋試不第。悒悒



發病死張氏年二十二家貧刻志守節誓死不淪顯妹  
名淑清待年未字見嫂執節亡兄有確然不可奪之志  
亦誓不許嫁寧伴嫂以堅其節青年勵操白首相依至  
嘉靖二年相繼卒方張氏卒時周氏已卧病張臨絕呼  
周曰吾與若俱上金堂玉室爾勿遲來不三月周果卒  
向升妻王氏

王氏名月秋海鹽向升妻性慧自幼精女紅讀書知爲  
詩年十六歸升甫一年而升卒嬭投地痛絕得甦遂數  
日不食以求配姑強之乃食不復茹葷設一榻於柩側  
舒帷蔽之朝夕坐其間欲繼者屢矣姑泣語之曰爾卽  
從夫地下我老寡何倚耶嬭亦泣不敢繼遂以針工易  
粟肉養姑居一年姑感於其季以十二歲子來後升嬭  
固辭不得乃大泣曰以叔爲子年少吾僅六歲耳叔嫂  
混處瓜李之嫌謂何吾死今其時乎復辟食三日俟姑  
寢沐櫛具衣於柩前繼年一十有八方升卒時以一悅  
遺嬭曰汝前途非吾所知苟無忘見此如見吾矣得其  
悅朝夕持之至是猶在手

凌桂妻張氏



張氏錢塘人，夫曰桂，爲凌季子。後於伯氏，張歸凌數歲。季子卒，舅氏繼歿，遺孤僅五月。氏時年二十六矣。始季子沒時，氏慟欲死，爲有孤在，姑又老，乃忍死強食飲，色養所後。婆姑備盡孝敬。當是時，凌氏不絕如綫，有強宗某者，圖攘其室，嗾父張欲奪氏志。氏誓死不許，凌族之奴豪悍者，又百計窘侮之。氏但謹飭閨房，弗爲動。一日，父張持大挺至，呼氏甚急，聲色俱厲。氏乃舉聲大慟曰：「禾亡人豈愛一死以謝夫君，所以不死者爲五月兒耳。且大人有女，執節凌氏於張氏，不有光邪？今父旣不知女心，吾生不如死。」乃舉頭觸棺首，爲碎裂流血丹地。墜頰數輩挾持之，得不死。父張計大沮，謀遂寢。氏乃截髮毀容，甘苦拮据以植遺孤，冀其立也。命之曰立，含哀茹戚，雪皎霜嚴六十年。如一日，孤長登進士，積官至建昌守。隆慶庚午，二孫登名登瀛，同舉於鄉，瀛名第一。丁丑成進士，至今科甲相仍，稱世家。

高瑞妻郎氏

郎氏名元真，錢塘崇化里人。年十二，字郡人高瑞，字旣三載，瑞出游，郎氏在室，愆期以待。後竟不聞返，舅姑碎



之。父。母。欲。更。字。郎。氏。以。死。誓。父。母。不。能。奪。其。後。嘗。欲。歸。夫。門。以。事。舅。姑。父。母。固。弗。許。一。日。從。容。言。曰。吾。向。許。身。爲。高。某。妻。弗。獲。嬪。於。夫。家。願。一。識。其。門。而。還。父。母。許。之。具。舟。楫。送。至。門。拜。見。舅。姑。如。禮。比。晚。父。母。促。之。歸。郎。氏。曰。吾。今。日。豈。有。還。理。乎。婦。人。內。夫。家。吾。當。受。室。於。此。代。夫。奉。甘。旨。耳。父。母。舅。姑。強。之。再。三。竟。不。可。回。乃。聽。之。居。數。歲。以。孝。聞。舅。姑。憫。其。誠。爲。之。置。嗣。後。有。託。名。爲。瑞。將。來。歸。者。先。使。人。相。聞。時。姑。已。亡。而。舅。目。雙。瞽。不。復。能。辨。聞。其。述。舊。事。甚。悉。喜。曰。真。吾。兒。也。郎。氏。曰。語。言。容。可。僞。此。當。以。形。體。物。色。之。旣。乃。察。其。無。耳。痣。非。是。遂。拒。之。人。於。是。益。賢。郎。氏。謂。其。有。貞。志。偉。識。云。郎。氏。竟。爲。室。女。以。終。其。身。

張生妻沈氏

沈氏名雲海鹽人年十七聘同邑張生未嫁張病瘵死邑中聞其工容且賢爭來求聘父母將許之雲覺投河死居士朱朴哀之以詩曰沈家有女子未嫁夫已死自言生爲夫家人死作夫家鬼有眼不識夫君面妾心如石不可轉有足不及夫家門妾身安得如車輪妾身欲



隨流水去。直到黃泉葬夫處。

王三狗妻陳氏

陳氏名小奴。臨海人。適王三狗。一日其夫爲虎所攫。卽攘奮悲號而往。虎驚駭。舍之而去。亟負以還。而其夫死矣。未幾有郭素者。欲納爲妾。陰使人諷之。不從。乃強致聘娶之物。促迫以歸。陳度勢不可免。亟走。姜岩自投死。

朱貴妻范氏

范氏崇德朱貴妻。倭奴犯境。夫妻走避。猝與倭遇。倭揮刃殺貴。范氏厲聲奮臂。爪倭面。倭怒剖其腹。罵不絕口而死。

錢欽妻茅氏

茅氏烏程人。爲生員錢欽妻。嘉靖間。避寇安固村。遇寇將污之。茅義不辱。自投於河。寇怒剖腹。剝胎而死。

朱道弘妻陳氏

陳氏錢塘人。適同邑朱道弘。道弘挾醫術。携家僑居崇德。適海寇至。一邑人盡走。陳抱持幼子。與道弘相失。遇賊。賊迫之同行。給賊稍寬。已置幼子井傍。脫雙履投井中而死。



吳伯鳳妻葉氏

葉氏名潔，雲和秀才葉鳳梧之女。幼字吳伯鳳，未嫁而伯鳳卒。女心哀慟，誓無變節。父母不諒，改聘何氏。女日夜涕泣，及何促請期，乃沐浴更衣，自經死。吳母先一夜亦夢嬭歸，及早聞訃，卽迎柩歸，與伯鳳合葬焉。

方嬭王氏

王氏，慈溪人，爲同邑方氏嬭。嘉靖戊戌正月二十八日夜半，火起西市，延熾及方。王歸，僅逾月，居一小樓。時夫外出堅守不下，遂陷於火，徧體灼燼，惟心獨存。夫歸抱而哭之，淚滴其心，輒化。

許元忱妻胡氏

胡氏，鄞許元忱妻。元忱爲徐祝師養子，習巫祝事。氏竊鄙之，勸忱業身勤織，作別治，畧導忱漁以供翁媪，皆宜之。然時時慮元忱故許氏子，不能有徐氏業也。令稍橐貲，樹許宗，僅成田廬。未返室，而元忱病疫死。氏才二十三，呼天自誓，告徐乞殯其夫。許氏廬而身自苦，臥柩旁，持一刀，惺惺達曙，時呼號泣。卽所居無戶牖蔽，而日礪其刃，自壯。聞者驚動，未幾其夫之兄與徐師亦相



繼疫死，奴遽改適，而徐媪老，亦不能爲氏植里人妍氏色，競媒於許之強暴者，求偶氏有期矣，氏見逼，卽毀兩臉，截鬢髮，斷左手，三指血淋漓，大詬罵，誓必死，羣暴者驚散去，族尊姑妯娌皆抱持氏大慟，因立應後者，令子之，子年相近，氏故嚴督之，命力田耕作，唯唯聽，氏益身自勞苦，慰育備至，喪三年，不浣，不櫛，故污穢，自廢極力，結同穴，畢夫葬，乃娶嬭，纔潔布素爲具，修見族之禮，明日始復爲具，修其嬭見族之禮，曰：非是無以爲許氏嬭也。夫有弟少，流移，則復爲反之，日道之勤，弗率，卽延尊者，詬責之，已而復爲之，娶嚴之，如嬭，姑伯氏有遺孤，在他姓，歲致衣履，期保全之，已而皆絕，氏益痛，含淚織作，僅僅免飢凍，而耿耿之性，死不可易，年七十餘，無病卒。

符松妾真奴

真奴黃岩符松妾也，松旣死，其妻鍾氏將歸母家，欲有他志，真奴泣諫，求爲主，父終喪，鍾大怒，亂捶之，必逼以去，真奴潛還，慟哭，遂縊死於松柩上。

閔塾妻孫氏

孫氏嘉善人，歸同邑閔塾，年十九，塾死而無子，兄欲奪



其志乃歎曰。兄所利者財也。悉以奩田歸之。遂與絕。矢心守節。立族爲後。年五十三。值歲飢。死。貧不能襄。事知縣于業。經理葬之。

王曰可妻李氏

李氏名京。錢塘人。許字王生。曰可。未及請期。而王生死。京聞訃。慟絕。復蘓。卽欲往視飯含。家人挽留之。不聽。以母言乃止。自此屏跡。一小樓。粗衣疏食。形影相吊。事几席行服如禮。嘗告父母曰。夫歿之日。兒心已死。知吾翁尚鮮後嗣。欲爲吾夫少侍一日之養。以全嬾道云爾。嗟哉。已矣。鬱鬱苦守。八載而病劇。他無所言。但囑取王生之像。一見而訣。至則不及矣。生之父雖請從子合葬。墓在石屋山之陽。

夏冕妻王氏

王氏鄞人。歸夏冕。年二十三而寡。遺孤二人。俱在襁褓。氏呼天大慟。矢志無他。時姑老齒落。咀嚼不良。氏每晨起。先以其乳乳姑。而次哺二雛。二雛呱呱泣。不顧也。初氏之始歸夏。夫兄弟已析箸。氏言曰。夫子儒流也。獨不聞田荆之義乎。夫感其言。遂合居如初。嘉靖丙辰。倭寇



卒至男子盡操戈出捍禦氏乃負姑入山披荆榛破肌膚姑賴以全比遘疾悉營其姑喪葬之事涕泣而卒

周應祁妻項氏

項氏襄毅六世孫道亨女許聘吳江周恭肅孫應祁應祁病瘵未婚而卒女聞訃即日縞素以績麻密縫下裳夜靜俟婢熟睡自縊以死時年十九卒同穴應祁人稱爲貞女

劉伯春妻張氏

張氏秀水張組女年十四受同邑秀才劉伯春聘伯春少負才名必欲舉於鄉而後婚無何以病卒女聞訃卽號泣截髮誓不再適自爲詩詞祭悼守制三年足不踰閩口不茹葷服闋卽絕飲食母強諭之畧進茶果終不粒食旬日而卒時年二十舅姑迎柩合葬焉其詩曰妾身未識良人面良人何事先云亡胸中厭飫五車史想爲地下修文郎妾欲追隨同殉葬垂白翁姑尚在堂小叔呱呱方五月伶仃孱弱真堪傷妾本儒家寒素女感君一聘守綱常妾身不比河漢星妾身不似天邊月千秋萬古無盡期此情此義何時竭妾非矯情以干譽自



求身心無玷缺。他年小叔繼書鄉，妾當一死來。君傍鄉人至今誦之。

沈東妻張氏

妾潘氏附

沈東妻會稽張氏女。東之擢給事中也。尚未有子。張自家置隣女潘氏往焉。舟抵潞河而東以抗疏方宿省邸中。候旨潞河去京都六十里。急命輿入城。則東已下獄矣。張語潘曰：吾已矣。汝年少且未經事。主父盍擇自便乎。潘跪曰：主父抗節，夫人又苦志。婢子獨非人乎。因流涕沾膺，自誓以死。卒與張俱守。東在獄歷十有八年。父年八十餘，張數伏闕乞哀，願以身代。臣東繫，令歸一省。父皆不報。家故貧，有田十餘畝耳。養父且不給，張與妾乃日夜力。女紅用給橐，饘甚不給。則有鄉中父老具削牘爲泣，貸於同郡宦京者。然亦不多貸。率以爲常。會戶部司務何以尚，上疏論海主事瑞有詔下，以尚獄出。東出見潘，問左右曰：是昔日某乎。曰：然。曰：我當拜謝之。乃再拜。潘泣驚扶之，遂同歸里。東旣繫，父家益落。張乃身執汲爨，而令潘當夕。隆慶初，東起南京通政司叅議，不赴。未幾卒，竟無子。



沈氏六節

沈思橋界觀海鳴鶴之間家衆二千人多驍黠善聞自嘉靖來海上多事寇上烏山燬鳴鶴縱橫蹂躪沈氏不惟自衛且能殲其渠魁奪其所掠賊甚讐之丙辰夏賊乃大至沈氏豪誓於衆曰無出嬾女無輦貨財誓以死守不然者先戮之有章氏者誓於內曰男子死聞嬾女當死義辱與死等耳衆嬾皆爲竦聽旣賊圍合羣嬾聚於一樓賊攻入戶章氏遽出投於河周氏馮氏繼之共死一所柴氏方爲夫礪刃賊已砍戶入矣柴卽以刃砍

賊旋自刃孟氏孫氏姒娣爲賊所得相抱持不放共誓賊奪刀自刺皆死焉思橋之難沈宗嬾死者三十餘其尤烈者此六人也章氏沈祚妻周氏沈希魯妻馮氏沈信魁妻柴氏沈惟瑞妻孟氏沈弘量妻孫氏沈琳妻

茅氏女

茅氏女慈谿人年十四父母早亡獨與兄媿居其兄痿卧不能起丙辰倭寇入縣媿出奔呼與之俱女曰吾爲室女去將安之俱去誰爲扶吾兄者賊至遽縱火女力扶其兄避於空室俱被燔灼而死二尸相變縮焉



陸美妻俞氏

俞氏，平湖陸美妻也。甫笄歸美，克盡婦道。嘉靖丙辰，倭寇至，將逼其居。美適外出，俞亟渡河，深不可涉。美弟與僕欲援其手濟之，俞厲聲曰：「死即死耳，手何可為人執邪？」竟溺死。

馮警妻張氏 伯妾徐氏附

張氏，慈谿人，年二十，為馮警嬖。纔六年而遭丙辰倭寇之變，邑治焚燹，張氏偕姑竄匿。其夫相失，遂死於寇。張哀哭不欲生，亟收夫歛葬。未數日，寇復至，張偕姑及妯娌買舟逃至管山江，復為寇所及。張知不免，曰：「不死且污賊手，然馮之嗣不可絕也。」即以幼子付其姑，偕伯妾徐氏沉於江。賊大驚異，遂捨舟中諸嬖以去。

竺欽妻陳氏

陳氏，奉化竺欽妻。丙辰五月，倭夷入奉化，陳年少艾，携姑及女而逃。至徐家渡，倭追甚逼，陳自度不得脫，言於姑曰：「辱而生，寧若不辱而死。」遂令夫負其姑，自抱女投水中死。

傅梓女



傳氏女定海昌國傅梓女也年十七美姿容丙辰五月  
倭夷至自倉卒女家故瀕海遂爲賊所得女亟以石自  
破其面流血塗地賊怒磔其尸而去

徐氏女

王江涇貞女徐氏幼許字鼎室其父以醫致富而鼎室  
產落無錐地父欲啖婿罷婚婿亦甘焉女潛知之往問  
父計奩金幾何予我當從命父授以百金輒呼鼎室子  
與之抵暮自經後父以其柩歸鼎室子

黃鶴年妻張氏

張氏黃鶴年妻秀水憲副綜之母年二十六而寡哀毀  
欲絕念兒方八歲強起撫孤形影相弔絕不爲姑息晝  
就外傳夜篝燈親自課誦稍不中程且撻且泣不啻嚴  
父後課諸孫亦然其綜理家務肅如官府平時拮据積  
箸左書右算能力支門戶人以為有丈夫風後綜成進  
士方疏請旌典而恭人歿君子曰貞而慈

蔡孝女

蔡孝女武康人常隨母入山採藥而虎突至攫其母女  
卽挺身赴之攀樹枝格鬪行三百餘步虎怒舍其母傷



女其血上噴高丈許竹葉盡赤虎卽舍之而去奄有餘  
息歎曰吾得脫母虎口卽死何恨尋卒

程璠女菊音

程氏名菊音衢州程璠女生而沉毅弱不好弄稍長讀  
女誠知大義及笄或有以青陽徐鈇之刺謁其父璠璠  
閱牘俛首以先世少與婚姻且度女性或不宜其家善  
辭謝之未幾璠卒徐假父命以訟爲之誣證數載相持  
逮其母兄於獄賂當事遣悍卒相繼洶湧至其家欲迫  
之必行女曰負塗之豕咆哮固不足恤彼哉萋菲之口  
惡能移吾父命而奪其志俾有鼠雀之訟徒以兄之困  
抑無所控訴老母逮繫莫測晨昏以我之故也寧忍坐  
視耶乃自屏於室沐浴更衣錮結其帶翦其餘并昔所  
翦之髮襲之出別二嫂嫂慰以兩可之言女應曰人生  
至此在自力耳嫂幸自愛詣家廟拜辭逮升輿則氣不  
可忍呼父不絕聲哭道路聞者莫不洒淚至新路嶺氣  
逆嘔吐哭不成聲昇者前却不能步黽勉抵星川已不  
可支適喋者又以母音至停輿故簾視之面無人色吐  
氣如雲烟目左右直視遂卒議者曰不違父命不棄其



母不背其兄。合而言之。孝也。至若詳審於平時。果決於一旦。卽烈丈夫。或有未盡然者云。

馮坤妻夏氏

夏氏秀水馮坤妻。性莊潔慈儉。善相夫子。事翁姑以孝聞。嫠居五十年。攻苦茹荼。如一日。其孫夢禎。在襁褓時。撫育備至。亂年。課以詩書。丙夜。治女紅。相對一燈。熒然膏盡。一勺。始就寢。鳴雞初喔。卽促起。讀以爲常。學成。舉

南宮第一贈淑人

陳貴妻李氏

李氏秀水人。適同邑陳貴。甲寅倭變。李方抱幼女走。恐追及。被污。遂跳身入水。倭急持其髻。李抓倭手。濡血。倭怒。以刃抉其首。擠之水。詰旦。女母相持。出水次。

沈澤女淑貞

沈氏字淑貞。秀水沈澤女。姊妹二人。其姊嫁盛寔。蚤世。盛議聘淑貞。以續舊姻。淑貞辭曰。姊之夫。非妹之匹也。遂誓終身。不適人。後有求聘者。率以前盟謝之。奉佛持齋。年七十八歲。以處女終。其族屬憲副沈啟原。爲作貞女祠。



史立模妾馮氏

史立模妻京都馮氏女初立模娶於蘓生子自強既娶天乃置馮是時方爲行人久之無子既而立模以給事中謫通州判官擢蘓州府通判又增置維揚李李生子復殤而李自是病痿立模不復御矣一日立模受檄之他郡馮前請曰主君日驅馳王事奈嗣息何此行度再經旬盍召李立模搖手曰否否彼已廢無已寧汝可耳則給日諾候立模既寢乃抱持李置衾中去李遂孕及期生子自上生之日馮親爲吮臍愛護甚至却後五年立模與蘓相繼卒自上甫六歲耳諸宗彊睥睨物產時攘臂起馮以死力爭之又課婢僕有法家事不廢及自上從羣兒嬉遊則召撻之曰吾爲汝千辛萬苦始得汝今家運微史氏祀不絕如綫而若此邪泣與杖俱下自上遂奮厲讀書卒領嘉靖鄉薦官平陽府同知有五子次子元熙成萬曆二年進士官江西僉事有七孫

袁栢妻趙氏

趙氏嘉善袁栢妻也年二十八夫亡卽不茹葷孤猶在襁褓家貧甚日紡績自給每引兒至夫座前課讀稍踰



度輒跽而責之。壽五十九。忽一日呼兒曰。我以半生事爾父。半生守爾父。今日是爾父亡日。我將往從地下矣。無疾而逝。

孫承祖妻嚴氏

嚴氏嘉善人。適同里孫承祖。年二十二而承祖死。止一女。欲以身殉。念姑且老。乃竭力孝奉。天年及女嫁。曰。吾事畢矣。可以下見夫子。遂不食死。

沈泰妻胡氏

胡氏會稽人。爲贈少卿沈鍊子泰妻。初泰之聘胡也。卜

泰有期而遘父難。自塞上并逮兄襄及泰。繫萬全都司獄中。時鎮臣某銜鍊甚。且逢時相意。必欲置二子死。榜掠數百。獄不具。則時時問二子寢食。獄卒微知其意。痛虐苦之。時諷以死。一日巳刻期。令夜分具病狀上矣。薄暮。忽誰傳兩道官下視獄。至則呼襄及泰。至命且緩之。襄等亦不測。所以明日問之。獄卒則某者。以給事中吳時來疏其罪惡。逮詔獄未午。荷銀鑄就檻車去矣。襄等遂得釋。然泰自是遂病血。匍匐扶父喪歸。比服闋始婚。胡年已二十七。踰六月。泰疾大作。將不起。呼胡曰。吾累



汝吾累汝胡曰有命自天向未婚時吾父及昆弟疑君有疾固逡巡我執義不回今日實所甘心衰遂卒胡哀泣日夜不絕聲盡出奩具治喪事有他諷者輒斷髮務面終日危坐一室中卽同產非時不見如此者二十餘年晚染疾家人將迎醫胡告其父曰未亡人豈可以手令他人視哉初不云乎有命自天不藥卒年五十一無子以襄子某爲嗣

朱球妻夏氏

夏氏青田朱球妻也年二十二而球亡哀慟誓志撫孤再越歲兩子俱喪自是悲悒每欲自絕父懼強之歸寧意勸改嫁夏曰我之所以生者以子在爲夫守也今其已矣豈再醮乎值夫忌日感傷仆地潛入卧内引刀自刎舅姑迎喪與夫柩同寄外次一日洪水暴漲時民居漂蕩者無筭獨夏氏與夫柩澮閣高墩人皆異之時直指謝廷傑行文禮葬立石表墓題曰烈嬭朱球妻夏氏之墓

劉漁妻馬氏

馬氏平湖馬玄女年十六歸生員劉漁一年而寡矢志



靡他。翁家甚貧，利其再適，必欲奪其志。每不與食，百計挫之，而志益厲。嘗閉門自經，或救之，則繫絕而墜於地。死矣，急解之，漸蘇。翁又陰納沈氏聘，其姑誘與俱出，令女奴抱持過沈舟，舟且迅發，氏投河不能得，乃呼天而號。湏臾，風雨晝晦，疾雷擊舟，欲覆者數四。沈懼，乃旋舟還之。事聞於縣，縣令氏別居。時氏父兄繼歿，無可歸，假寓一室，四壁不完，上漏下濕，每雨則危坐達旦，或不能具糜，率三四日不食而不死。隣嬖強以食進之，乃復食。至七十餘，竟不食死。

秦某妻顧氏

顧氏，錢塘人，爲同里秦某妻。秦業醫，不售，兼病痿廢，貧甚，爲父母所逐，無所得食，日惟掬水咽麩，一勺秦病且死，謂顧曰：爾與我同餓死，無益，徒自苦，孰若更事他人。爾旣得所，天吾亦賴爾。幸少湏臾，無死計，誠若何？顧飲泣不答。居數日，秦父母携酒肴來，飲其子，相屬爲耳語。顧度其必以已市也，因却不飲食。比夜，呼女出汲井上，令女返取甕，卽竄入井中死。明日，出其尸，衣裳內外俱紉綴聯絡，不見體。人益烈之。時年二十有九。



兩浙名賢錄卷之五十二終

古今文選 吳興 四京人 廿中 承 附 且 出 其 凡 亦 樂 內 水





卷之四